

SENILE ODIUM.

Comœdia
CANTABRIGIÆ
publicè Academicis recitata
in Collegio REGINALI
ab ejusdem Collegii
juventute.

Autore P. HAUSTED.

Lusinus innocui.



CANTABRIGIÆ :
Ex Academia celeberrimæ
typographeo. 1633.

H
C
G
E
N
A
F
C
I
R
Z
(
A
N
N
V
A
C
N
V
I
G
V
A
T
F
C
S
O



¶ Ingeniosissimo viro, P. Hausted,
in festivissimam ejus Comœdiam.

HEus! acue dentes, Invidia; mensæ (en!) tibi
Adfunt secundæ; grata perpol advenis:
Concoquere malè te prandium ferunt tuum;
Generosus hospes hanc tibi cœnam dedit,
Et molliores, avida quas vores, dapes;
Nisi usquè carnes putidas rodere juvet,
Atrâque saniem, & viperarum viscera.
Jam prodit illa, quam cupis, Comœdia,
Odium Senile, candidi theatri amor,
Ipsâque theatrum amoris, & scena Venerum.
Ridere quæ vel cogat Heraclitos graves,
Democritôsq; prodigos splenis nimis,
(Jocosa fata, blanda mors!) risu enecet.
Non hîc cothurni sanguine insonti rubent,
Nec flagra Megææ ferrea horrendum intonant,
Noverca nulla sævior Erebo furit,
Venena nulla, præter illa dulcia
Amoris; atque his vim abstulêre noxiam
Casti lepores, innocua festivitas,
Nativa suavitas, proba elegantia,
Venerisq; nectar aureum lubentiae,
Intusque regnans multiplex ars, quæ vafre
Gratis legentem consciùm fallit dolis,
Variisq; ludos tecta Meandris facit.
Alii sonoris fulminent Tragœdiis;
Auctor Thaliæ Comicæ exornat meus,
Teneroque socco placidus Orchestram quatit;
Flammæ amantùm, & vulnera juvenum levat;
Canos morosos mulcet, & stabili fide
Solidisque vinclis invidos ligat senes;
Odium in amorem vertit, ac litrem eximit.

Hem! macte Scenæ nobile (Haustedii) decus;
Nec propria damnes pignora, & charos tul
Partus tenebris ingeni indignis premas;
Homicida neu sis gloriæ tuæ impius:
Digni perire forsan lectores mali;
At non meretur Musa pretiosa emori.

Pueris fruatur livor iratis feroc:
Tu incocta ride cerebra, fluctuantia
Capita, coactas frontium natantium
Rugas, retractos turbidum in caput oculos,
Maiores polypodes narium; nec terreat
Vanus cachinnus, aut ciconia impotens;
Tutusque temne queis perosa Odium tua.
Namque opera quid si vapulaverit prior,
Sua nec habuerit blanda plausus verbera?
At hæc Latina est salva, & incolumis erit;
Gentis rogata linguam, & arduum alitem
Haud Alpha-beta penulatorum capit:
Hæc capite crispo turba non ultra sapit
Anagramma dominæ vel catellæ nominis;
Nam picta vestis non habet cordis nimis,
Nec tincta rore Palladis, sed muricis.

Hæc nostra vota, cum velim Scenam ingredi;
Te volo Poëtam, Drama sit Comædia:
Si desit aptus, comptus, augustus locus,
Nos pauci amici, nos Theatrum erimus tibi;
Aulea sunt benevoli spectantium
Vultus, nigre ut sordes calumniæ tegant;
Alacres & oculi sint & ardentes faces,
Tuumq; nomen suppleat Prologi vices;
Fores Theatri muniat justus favor,
Distinguat actus risus, atque encomium,
Prudensq; manuum plausus Epilogus fiet.

Edvardus King, Coll. Christi.

¶ In delictum hoc theatri, & primo-
genitum Autoris,
SENI LE ODIVM.

— **C**irculum ingredi te tuum
Poësis incantans : sit augustaque satis
Tua orbita, nè non liberè spires; pede
Agili rota teipsam; — virgulæ
Potentis experire sortem, nec pete
Phantasmata laudis. Tu theatri regimina
Monarcha Dramatis obtines, Hauſtedi; erit —
que læsa majestas, meritis fallax tuis
Offerre numisma. En ! Pupillares tui
Fugere dies, Comædia: fori publici
In auspiciatoribus cunis semel
(Formosa) lusisti, coronæ agitaturque
Plaudentis usque manibus : agnosce indolem;
Adultæ jam es, famæ que tumidas jus habes
Ad opes : solida primigeniæ
Hæc prærogativa magis est
Menas quam ut abdicationem. Quæ tuum
Erexit ingenium uva ? Fatere detego
Vitem in Camœna ubique. — Regit
At quæ maligna stella scenam ? pulpita
Idemque premit fatum. — sonus prævalet,
Et pulmo largus. Trutinam plebis amove,
Et rolle lances : Bellua (Jonſoni) hæc tui
Magneticam focci vim, & arduam ecstasim
Contemnere audet : merita nec satis æstimat
Inops tribus tua, verticis gaudet nives
Spectare, canitiemque parentis: —

— Laureati (quæm dolet!)
Properavit horum contumaciâ Senis
Paralyſis; en ! Infamiæ (Potens) cadis
Reus invidendæ; chartularumque veterum
Concoctiones furta putantur. Pindarum
Flaccique lyram tui calore pio ſtudes
Quod æmulari, Empiricus, æſtrôque madido
Vates, furoris haud piandi, criminum
Tibi maculamque inuſſit, & nuperrimè
Poemata proſcripſit. Quid annos invides
(Inflate) ſchedulis ? nimium angustum putas
Orbem, tuæ cum Muſca, tenues, Cœliæ
Expanderet alas ? quanta calamos undique
Infeſtat (en !) dyſenteria, atque ſuiles
Pennæ premuntur uſque catarrhis ! Tameſis

Ripa insolentior incolis
 Cygnis triumphet : at animos
 Stipendium arguit viles ; Mechanica
 Ære ingenia merent, odores debiles
 Nardūmque frigida Poetices
 (Pietas, modò litarent, foret)
 Phœnicis aræ (proh pudor !) vendunt ; vocant
 E turre summâ expansa carbasa hospites.
 Spectaculum Actorum grege
 Conviva præbet gratius.
 Horarium fœvet manibus argenteum
 Ille ; annuli scintillet unde gemmula,
 Scissura chirothecæ hunc beat ; hic — at non vacat ;
 Pensum verus instat : stabit exemplar, Typus,
 Hoc Drama segni seculo ; ignem, spiritus —
 que posterorum moribus addet : indoles,
 Molem ut struat similem, at ubi mentis æmula
 Sudabit excelsæ, cadet fiducia
 Nimis (heu!) temerariâ:
 Ed. Kemp, Reginal.

Ad Autorem.

SI cadus expletus meritò Jonsonius audit,
 (Nunc licet exhaustum declamet nescia turba)
 Tūte Caballini sis jure Tricongio fontis.
 Sæpius illius vidi miracula Scenæ:
 Nulla minora tuz ; cujus virtute Camœnæ
 Est in amore ODIUM, atque SENILE senescere tenet.
 Sed quid nitimur infimi Poetæ
 Chartas hæc tuas venustiores
 Ad cœlum tenui vocare versu?
 Nil Comœdia concipit valoris
 Ex turba tumida anteaambulorum,
 Laudēsque aliū ipsa buccinabit,
 Quā vel noster amor, malignitāsve
 Allatrare valebit æmulorum.
 I nunc livor edax proin, tuūmque
 Cor rodet, & digitos, & omne quicquid
 Infelix rabies vorare suadet:
 Aft has lautitias caverō libes,
 Nunquam (crede mihi) vorare possis,
 Sit conviva licet χρῶν & comessans.

J. Rogers, Reginal.

Dramatis

Dramatis Personæ.

Ex domo *Theophili*,

<i>Theophilus, Senex, & Senator Francofurtensis, pater Eugenii, Feliciæ, & Mariæ surreptæ, inimicus Leonhardo.</i> <i>Felicia, Theophili filia.</i>	<i>Eugenius, Theophili filius.</i> <i>Aurelius, Eugenii sodalis & amator Menandræ.</i> <i>Croto, & Servi duo Theophili.</i> <i>Calsio, Servus Eugenii.</i>
--	---

Ex Monasterio Sanctæ Catharinæ,
Moniales duæ.

Ex domo *Ludovici*,

<i>Ludovicus, Senex, pseudomathematicus, patruus Menandræ creditus.</i>	<i>Menandra, Neptis creditæ Ludovici.</i> <i>Tittus, Puer Ludovici.</i>
---	--

Ex domo *Tricongionis*,


<i>Tricongio, Bibliopola, Computator lepidus.</i> <i>Cotyttia, Tricongionis uxor</i> <i>Euphues, Anglus, verbi- vendulus, & caremo-</i>	<i>niarum Magister.</i> <i>Gorgonius, Euphuis disci- pulus, & amator Me- nandræ rusticus.</i> <i>Luma, Virgo.</i>
---	---

A Foro,

<i>Leonhardus, Senex, & Senator Francofurtensis, pater Endomuchi & Philauti, & inimicus Theophilo.</i> <i>Endomuchus, Filius natu- major Leonhardi, & amator Feliciæ.</i> <i>Philautus, Filius minor Le- onhardi.</i> <i>Dippus, Leonhardi famulus</i>	<i>Rufanus, Philauti servus.</i> <i>Furcus, Sutor vestitarius.</i> <i>Lictores duo.</i> <i>Conquisitores tres.</i> <i>Lupa, Lena.</i> <i>Tabellarius.</i> <i>Senatores tres.</i> <i>Palinurus, Servus olim Philarchi Mercatoris Antwerpiensis.</i> <i>Fidicines.</i>
---	--

Scena FRANCOFURTI ad Menum.

A vespera ad vesperam peraguntur omnia.



¶ Prologus.

HUjus ubi Theatri serenam contemplor faciem,
Lætum prælagio statim Fabulæ nostræ exitum:
Sed & fiduciam hanc auget nobis, & addit ani-
mos,

Inexpectata patientia vestra & benignitas:
Cujus tam insigne specimen dedistis nudius tertius.
Quod vobis itaque imprimis, Francofurti nobiles &
summates viri,

Unà cum selectissima pube, nobis ipsis denique cedat
prosperè:

Nec longam nec illepidam in Scenam adducimus Fa-
bulam;

Quicquid Invidia musslet, aut obmurmuret Calumnia,

Ubique tandem sedent; quarum odiosum virus

Tam nos contemnere audemus, quàm illæ evomere.

Vos solùm demereri & delectare cupimus, Spectatores
optimi,

In quorum animis candor habitat & judicium.

Nec argumentum, nec quid sibi quærat Fabulæ nomen;
doceo;

Utrumque hoc Scena indigabit prima. Tantum est;
Sedete (utì occepistis) benevoli; & spes est, surrecturos
hilares.

ACTUS



ACTUS PRIMI

SCENA I.

*Theophilus, Felicia, Moniales duæ,
Croto servus.*

Theophilus.



Uin detergeas oculos, inepta Felicia,
Arque patri morem geras, uti piam decet
filiam.

Hui! quàm intempestivè hic nimbus
cadit!

Nimis citò (mihi crede) peribunt isti

genarum flores,

Illis tu licet ruinam haud accersas adeo.

Ecce autem suspiriorum tempestatem! mitte hos ejula-
tus, mea tu:

Hercle verò non placent, non placent, inquam.

Siccine patris imperium, pervicax?

Fel. Et istos & vitam perlubenter simul,
(Vel jube) mi pater. O Endomuche mi.

Theo. Egone cum catulo illius canis Leonhardi
meam ut patiar?

Rogo te prius nuptum dabo. *Fel.* Pater es.

Theo. Et tu mea filia, si obtemperes mihi.

Fel. At diu non ero, si abs te, Endomuche, abalien-
semel.

1 Mon. At in loco mariti nos habebis sorores tibi.

A

2 Mon.

2 *Mon.* Et pro patre nos matres invenies. *Theo.* Bene res habet.

Videte, obsecro, quid vestrum valeat consilium.
Stulta nimium virgo, nescis tu quantum jucunditatis
Isthac insit in vita. *Fel.* At, pace tuâ, mi pater,
Cur tu non Monachus fuisti cum eras juvenis,
Siquidem tam beatam istam prædicas vitam?
Cur matrem meam duxisti uxorem?

Et non cucullum potius, & sphæulas precatorias?

Theo. Mehercule quid respondeam nescio, ita astute
Argumentatur subdola.-- Ego, mea filia? (quid dicam?)
Si quid in vita bene fecero, hoc te oportet imitari:
Sin quid perperam, non æquum est exemplum inde tibi
expetere.

Multo (ingenuè fateor, mea Felicia) fecissem melius,
Isthoc si vitæ genus elegissem mihi.

Fel. Fateor & idem ego, mi pater: nam si ita esset,
Nec tu crudelis pater fuisses, nec ego infelix filia.

Theo. Habe bonum animum modò; faciam ego me
merito

Mitisimum appellâris patrem. Croto, quin Croto, in-
quam:

Cura actutum riscum efferri istum repositorium,
Quem meæ dedi filiæ; cistellam etiam,
Quæ ad dextram est in fenestra cubiculi.

Intus.

Crot. Nescio ubi clavis fiet.

Exit.

Theo. Quid ais? redibo statim.

1 *Mon.* Apage à te istas lacrymas; cedo manum, Fe-
licia mea:

Jam enim meam vocabo: enimvero quòd gaudeas
Magis evenit hodie, quàm quòd plores.

Fel. At, obsecro vos, quemnam in locum nunc eun-
dum est mihi?

2 *Mon.* In monasterium sanctæ Catharinæ.

Fel. Audivi quidem.

2 *Mon.* Ubi beatè vivas, & inter sanctas virgines

San-

Sanctamque & perpetuam virginitatem colas.

i Mon. Ubi nec duri metuas mariti imperia,
Nec tetrici parentis minas: sed tibi ipsi vivas licebit,
A tumultu seculi hujus & mundi blanditiis liberæ.

Fel. Audio: at ego scio quantum mihi cordolium
sit,

Abs tuo charo, mi Endomuche, divelli latere.

Theo. Sequere me. Etiam lamentare adhuc? dif- *Redit in
scenam*
ficilis. *Theoph.*

Attulces mihi, si sapis; nisi vis ostendam quid sit
De leni patre facere sævissimum tibi.

Erit (mihi crede) quando promiserim fore.

i Mon. Non opus erit, Theophile; futuram dicto
obedientem scio.

Theo. Hercle verò nisi fiet, patri valedicere me po-
tessè viderit.

Vestræ itaque pietati (charissimæ sorores) atque curæ
Meam nunc commendo filiam, cum hac cistula

Quæ centum & quinquaginta minas intus loquitur.

Vestimenta ejus, atque cætera quibus erit usus,

Ante vesperam apud vos erunt (faxim) omnia.

Est mihi unicus alter filius (diis gratias) Eugenius,

Qui unâ cum sorore hac sua liberorum mihi claudit
numerus:

Quindecim enim nunc sunt anni cum soror illius ge-
mina

Germana mihi surrepta fuit quadrimula:

Proin filio omnes ego decrevi possessiones meas,

Domos, agros, hortos, & quicquid istiusmodi

Divitiarum mihi moriens reliquit pater:

Reliquum omne vestro destinavi cœnobio:

Nolo enim Theophili filiam in ordinem ad vos reci-
pere pœnituerit;

Tu modò ad monasterium hoc ut deportetur.

Mea filia, vale. *Fel.* Mi pater, valeas.

O Endomuche, jamdudum te postremum vidi.

4

Senile odium.

Act. I.

Theo. Deus te (precor) felicitet, atque bene vortat
quod agas.

Vos etiam valete plurimum; & Antistitam
Vestram Margaretam meis salutate verbis.

Ambæ. Vale, Theophile.

Exeunt.

SCENA II.

Theophilus, Croto.

Theo. **L** Epidè pol usquè adhuc hoc successit sub ma-
nus negotium,

Atque ex sententia: jam animus in tuto est loco;

Terram video, postquam in monasterium tam pro-
sperè

Meam dedi filiam: eninvero domi dum manebat meæ,
Metuebam continuò nè Endomuchus mihi verba da-
ret,

Cujus patrem Leonhardum æquè amavi semper atque
viperam:

Neque dubito quin amorem istum apud illum
Fœneratum locaverim pulchrè. At esto:

Centum ego filias si dedisset natura,

Vel perire mavellem, quàm inimici mei familiam

Nobilitare, aut auctiorem reddere.

Sed eccum servum! Euge Croto; tam citò? *Crot.* Quip-
pini, here?

Quamprimum cistulam acceperant, me excludunt fo-
ras.

At si forma placuisset mea, — *Theo.* Quid tum, car-
nifex?

Crot. Intromisissent ultro. *Theo.* Ehodum ad me:
Nostin' tu istam faciem? *Crot.* Philautus est,
Leonhardi filius. *Theo.* Canis: camus intrò.

Exeunt.

SCENA

SCENA III.

Philantus, Rufanus, Dippus.

Phil. **A**In' tu, Rufane, fratrem meum Endomuchum
superos reliquisse?

Ruf. Apud inferos est certissimè, aut fama menti-
tur strenuè.

Probè etiam tu nôsti, illum jam per totos hos decem
abfuisse dies.

Phil. Quid opus't igitur ut eum ultrà quæritemus?
& non in

Cænopolium nos immergamus statim? ad quid posses-
siones, ad

Quid divitiæ, illis nisi perfruamur liberè? Hæres Le-
onhardi

Ut illiberalis sit atque tenax? eamus in cænopolium,
eamus.

Ruf. At quid si in via sutor vestiarius, aut credito-
rum alius quispiam

Tibi fieret obviâ? *Phil.* Vah! ut hæredi Leonhardi
Nomina quis aufit exigere? eamus in cænopolium, ea-
mus.

Atque eccum Dippum nostrum! Quò te pedes, Dippe?

Dip. Non longè hinc, Philaute. *Phil.* Nil tu etiam
de Endomucho audisti, Dippe?

Dip. Nihil, si placet. *Phil.* Isthoc quidem mihi per-
placet.

Vin' ergò tu nobiscum in cænopolium? *Dip.* Imò aliò
mihi iter est.

Phil. Tun' sequi renuis hæredem Leonhardi?

Dip. Dic ergò

Ubi conveniam: &, si per negotia liceat, sequar.

Phil. Ubi? Ubi, nisi apud signum Diaboli? quò ple-
rique omnes generosi

*Exeunt
Phil.
Rufan.*

Et hæredes divorti solent. *Dip.* Lepidus es.
Proh superi ! Quid hoc morbi est, ut quis fratrem
Triumphet periisse suum ? Sed ego quò intenderam: at-
que adeò,
Nisi ego oculos in via perdididi,
Hospitatur hic magister Euphues: pultabo fores.
Sed prodit nescio quis qui mihi isthanc surripuit ope-
ram.

SCENA IIII.

Dippus, Tricongio, Coryttia.

Tric. **Q** Vicunque Acherontis hospitalitatem gu-
stare cupit,

Cum uxore vivat. *Dip.* Au! hic Tricongio est
Bibliopola, quicum ego postremâ luce bibi.
Aucupari volo quæ dixerit ex insidiis.

Tric. Proculdubio in cœlum mihi recta est via;
Nunquam Purgatorium inivero, si ex urna patris
Matellam, vel ex matris fecissem capite:
Ità æternis uxoris faucibus miserè crucior,
Haud restat mehercle mihi opera locum, quem saturi,
visendi.

Si foris; tum poto, ludo, scortor, rem meam perdo,
clamat:

Si domi; nihilominus sexcentas rixandi causas inve-
nire potest.

Atque eccam! Qui me nunc jam in nervum tradet, pa-
tronus erit.

Coryt. Quò te (malum!) nunc subducis, hominum
pessime,

Nequissime? nimis beatæ istæ mulieres,

Quæ cum hujusmodi vivunt viris:

Tu inter potandum & scortandum noctes atque dies
agis,

Neque

Neque quid de me fiat, ulla est tibi curatio:

Tempus erat, ubi docti & reverendi viri

Nostri usi sunt ædibus, sicut Nicolaus Pulcher, Conradus Stricartius;

Imò Jovianus Pontanus aliquando nobiscum cœnavit unâ:

Sed bonos hos tua ebrietas atque mores pessimi

In fugam dedere: & nunc non sunt relictî nisi nequam pauci,

Tui similes; Euphues Anglus, & Jacobus de Honte Ponte.

Tric. Obsecro te, mea domina, domina mea, meum corculum Cotyttia.

Cotyt. Nequicquam obsecras; abstine manus, mastigia.

Per sanctam Catharinam mores hos tuos

Diutius non feram, non feram Trifurcifer.

Eia, nunc auriculas demittis, asine:

Responde mihi; quid hîc otiosè statur, impudens?

Huccine tandem reciderunt omnia bona verba tua?

Vide sis elegantes literas quas mihi misisti virgini,

Cùm alijsmodi (præfiscinè dixerim) me amabant perditè,

Et ambibant; neque spe dotis tamen:

Non enim me omnium despiciatissimam invenisti, verbero.

Sed par pari referam tibi (si vivo)

Ubi domi te deprehendero:

Exit.

SCENA V.

Tricongio, Dippus.

Tric. Certum est laqueo cœlum scandere.

Quodnam hoc silentium? media non æquè stupet nox.

Alcedonia præsentia : fatin' abiit illa ?

O quàm lepida vanitas esset mulier , si non haberet linguam!

Simia, Spinturnicium, Cercopithecus,

Mehercle non eodem nominandi die. Sed quid ego nunc faciam?

Dip. Quid ego cessio hominem adire?

Tric. In aliquo me continuo occultabo cellario.

Dip. Tricongio, salve. *Tric.* Quis me nominat?

Dip. Amicus. *Tric.* Certè ignotus. *Dip.* Non me nôsti?

Tric. Quî, obsecro, possim, qui jam te primùm video?

Dip. Potavi tecum heri apud Leonhardam, ubi Tria ad salutem filii ejus propinâsti pocula.

Tric. Nempe Endomuchum intelligis Feliciæ amatorem,

Cujus nunc absentia tam variè affligat patrem?

Dip. Ipsum. Jam novisti, Tricongio ? *Tric.* Euge, nequam es:

Haud ædepol meipsum novi isto (quod memoras) tempore:

Sed unde tu nostræ plateæ homo factus ? *Dip.* Audies.

Apud te diversari aiunt magistrum Euphuem :

Eum venio quæsitum. *Tric.* Audivisti quod res est.

Sed quid, quæso, cum eo tibi negoti ?

Dip. Nihil porto magni : tantum tribus vel quatuor verbis istum cupio.

Tric. Non me scire licet ? *Dip.* Imò licet;

Sed, obsecro, ostende, ubi hominem conveniam.

Tric. Quàm cautus tuarum rerum tu custos es!

Quasi clam me possit esse quid velint, eum si qui quæritant.

Apud me edit, apud me potat, apud me hospitium habet.

Vin' faciam me *divinum* appellâris ? *Dip.* Volo.

Tric.

Tric. Amas, *Dippe.* Quantum erravi ? *Dip.* Perge verò.

Tric. Atque mollia verba vis, lepores, atque Veneres,

Quibus amores tuos tranquillos reddas. Nónne ipsam rem?

Dip. Mehercle ipsissimam. *Tric.* Dic igitur quod pollicitus.

Dip. Mi Tricongio, divinas. *Tric.* At amicam, an uxorem cupis?

Dip. Apage à me amicas; uxorem ego. *Tric.* Bone vir,

Vale; vale, inquam: sit tibi Charon, precor, propitius;

Et, cum ad tenebrarum istam perveneris domum,
Per genium tuum oro, Furiarum exinde mittas aliquam
(Si tantam abs istis inire poteris gratiam)

Quæ meam curriculò ad Orcum uxorem rapiat.

Dip. Orationis non novi ingenium. Quid mihi, ob-
lécro,

Cum tenebris aut Orco rei est?

Tric. Quia certum est non tot te post nuptias
Supereffe dierum, quot ego & tu sumus:

Nam aut extemplo teipsum suspendes miser,

Aut præcipitem dabis, aut istud, olim

Quod in Ponto Euxino Philosophorum princeps, fa-
cies.

Dip. Cur tu ergò adhuc vivis? *Tric.* Ità me amer
Jupiter,

Dicam tibi; futuras metuo in Orco nuptias.

At nè verbum, quæso; hoc enim uxor si resciscat mo-
dò,

Majus potest facinus quàm Mathematici omnes.

Dip. Quodnam istud est? *Tric.* Ex lingua sua facere
Perpetuum mobile. O *Dippe* (diis gratias)

Restibus abundat ætas nostra:

Ferri dives est, atque montium satís;
 Doctorum præterea medicorum affatim est,
 Qui veneno lepido ad generum Cereris
 Mittant legatum, si isthuc affectes iter.

Dip. Non hercle intelligo. *Tric.* Nempe aperte
 vis ?

Si unquam uxorem ducis, ducis ægritudinem,
 Curam, odium, damnum, sollicitudines,
 Morbos, venena, laqueos, incendia, atque omnia de-
 nique mala,

Quæ olim Romanus in Ibin evomuit Naso:
 Etiam hoc intelligis ? *Dip.* Satís equidem.

Sed vidêris tu nimis in sententia tua injurius:
 Non æquum est omnes unius culpâ æstimare fœminas.

Tric. Unius ? vin' mihi credere, Dippe ? Facilius est
 Fœneratorem invenire facilem & fidum, lenonem al-
 bum,

Quàm quæ omnibus his non dotata veniat.
 Sed unde nostræ fecerunt sonitum fores ?

Atque eccum ipsum quem quæris ! sanè metuebam
 Cotyttiam meam.

SCENA VI.

*Tricongio, Dippus, Euphues, Gorgonius,
 Luna, Eugenius, Aurelius.*

Euph. **N**E dubites, tempore juvenis jugo jungitur,
 tempore---

Tric. Respice ad nos, Euphues. *Euph.* Quis me
 jubet respicere ?

O Tricongio, salve : insidias metuebam.

Tric. Apage, hem tibi præsidium. *Euph.* Salve & tu,
 quisquis es.

Tric. Discipulum tuum salvere jubes, atque clien-
 tem.

Euph.

Euph. Multa equidem bona discipulo atque clienti volo.

Tric. Artem tuam experiri sitit; nam sibi opus esse prædicat.

Euph. Quicquid mea ars efficere possit, spondeat sibi.

Incipe, Gorgoni. *Gorg.* Sic incipio——

Sed arbitros hîc video nescio quos. *Euph.* Nil refert,

An pudibundus? vah! rusticitas est in amore

Pudor, & amentia; præterea, condiscipulus est hic tuus.

* Apage, non placet ista capitis nudatio, neque flexura
genuum,

Nullos inimicos à tergo habes pede quibus creas di-
minuas.

Vide; quoties ostendam tibi? Um, hoc paulò meliùs.

Perge. *Gorg.* Ædepol mēmorix parùm fido mea.

Euph. Fac periculum.

Gorg. Mira majestas tua prorsus sine menda, for-
ma sine fæce,

Comitas sine curiositate, jucunditas non sine ingenio,

Aspectus severus, sed tamen suavis,

In hunc me miserum injecere morbum,----

Aur. Dicamus bona verba; venit natalis ad oras. *Intram*
Hem, ego hunc diem nugis & risu uberiores volo--- *Eugenius*

Euph. Consule chartam.

Aur. —Quàm frugibus Ægyptus olim post Ne- *& Aure-*
ptuni filium. *lius.*

Eug. Taceat lingua, obsecro, & loquantur oculi.

Aur. Quid est? *Eug.* Si me ames, taceas.

Gorg. In hunc me miserum injecere morbum, ut
nisi tu ægrotanti

Feras opem, non potest, quin statim petam Orcum.

Aur. Etiam tun' isthîc, squalide? *Eug.* Sic tu sem-
per soles.

In amicitiam redeant labella, precor.

Euph. Replica tu, Luma: jam nunc ad te redeo,

Nè

* Hîc *Gor.*
exercetur
ceremo-
nii: Agit
rusticè.

Intram
Eugenius
& Aure-
lius.
Chartam
consulit
Gorg.

Nè te excruciet hæc mora. *Dip.* Nil minús, si placet.

Euph. Incipe : Sed ubi tu, Gorgoni? *Phy!*

Qualem te putas existimaret Menandra tua,
Si jam coràm præsens conspexerit? *Aur.* Audin' isthæc?

Eug. Rectè : sed quid his cum Menandra?

Gorg. Nónne licet mihi naso operam dare?

Euph. Non eo tempore quo amori. *Aur.* Tu nescis?
Hic est rivalis meus Gorgonius. *Eug.* Bellus, ecastor.
Foh!

Aur. Quid rei est? *Eug.* Viros olet capellarum.

Aur. Imò seipsum olet. *Euph.* Jamdudum expectatur responsio tua, Rosa.

Lum. Si ego in *credendo* tam fuiſſem *facilis*,
Quàm tu in *loquendo* *fertilis*, jamdudum in stultorum
Me locâſſem Paradiso.

Pulchram me prædicas, & in hoc *palpas*;
Comem, & intelligis *haud castam* : minimè, minimè.
Si tu *erucæ* edisti semina, quæ nutriunt *incontinentiam*;
Tamen ego *nasturtium* manducavi, quod defendit *modestiam*.

Si tu in sinu herbam habes *araxam*, *virginitati noxiam*;
Ego tamen lapidem in monte Tmolo inventum, *castitatis patronum*.

Tric. Virginitati? castitatis? ubi ego solidum mutuum accipiam?

Aur. Deos atque homines! adeamus, atque ludos faciamus.

Eug. Vel meâ causâ paulisper mane.

Aur. Atque eccum Tricongionem! S't. *Eug.* S't.

Nutam ad
Tric.

Euph. Optimè ædepol, Luma, recitatam hanc dedisti orationem.

Lum. Sed obsecro, magister Euphues, quid si adolescens aliquis

Me impudicè sollicitaverit? quomodo me respondere decet?

Euph.

Euph. Hoc facillimè fit: Istud de erucæ semine
Atque nasturtio in promptu habes. *Lum.* Non intelli-
gis.

Quid si ille — sed sine arbitris tecum de hac re fa-
bulabor.

Euph. Imò loquere jam audacter.

Lum. Quid si iste mihi placeat juvenis?

Euph. Au ! hoc quoque facillimum : legisse me me-
mini,

Taurum caprifico alligatum robur perdere,
Damarum armentum maturi odore pomi obstupe-
scere,

Delphinum auditâ musicâ littus petere:

Quid ergò mirum, si taurus immanis sit caprifico do-
mitus,

Quòd mulier ove mansuetior sit ficu capta?

Si feræ odore pomi stupent, quòd formosæ amore ju-
venis? —

Aur. Salvus sit magister Euphues. *Euph.* Cui vox
prope nos ? hem !

Lum. Ah ! ego abeo.

Aur. Atque omnes discipuli ejus. O Gorgoni, tun'
hic cras? *Exi.*

Equidem uxorem tibi, quæ te digna fiet, opto.

Gorg. Mira majestas tua prorsus sine menda, forma
sine —

Euph. Quid ? malum ! Hæc tantum fœminis pecu-
liaris oratio est.

Dip. Illos tu novisti, Tricongio ? *Tric.* Optimè.

Qui proximè loquebatur Aurelius audit,

Amator Menandræ. *Aur.* O fors fortuna —

Tric. Alter, Eugenius est Theophili filius.

Aur. Fortuna fors, non sine floribus cras donabe-
ris hædo.

Tric. Tentabo; nisi molestum sit, Dippe, est quod
te volo.

Dip.

* *Tric.* in-
aurē *Dip.*
pūm rogat
pecuniam
mutuam.

Dip. * Loquere. *Aur.* At quid novi, magister Euphues?

Quemadmodum saxum, in India quod vocatur lapis,
In aquam injectum, fundum petit : haud aliter
Te valere gaudeo.

Tric. Peream malè, *Dippe*, nisi cras tibi reddam
mutuum.

Exeunt
Tric. &
Dip.

Aur. Cedo sodes amico manum. *Dip.* Bene est, se-
quere me.

Euph. Amico ? ego tales amicos nihil moror.

Aur. Tam iracundus, quæso ? ah ! bene tum perci-
pio,

Quòd rarissima rosa habet suas spinas,
Purissimum pollen suum furfur, pannus holosericus
suam labem——

Euph. Eamus, discipule, eamus; erit fortassis ubi re-
ponam tibi,

Exeunt
Euph. &
Gorg.

Tametsi me nunc ludibrio habes.

Aur. In malam rem, literarum venator:

Quid tu Francofurti, nausidice?

Eug. At obsecro te, estne hic chirurgus ille Angli-
cus,

Qui ingenium anatomizat, quique nundinis his ver-
nalibus

Cum bibliorum mercatoribus huc venit?

Aur. Rem habes: atque hîc gymnasium (si diis pla-
cet)

Instituit, ubi certas loquendi formulas

Adolescentulos atque virgines docet.

Viden' quàm pulchrè illius arte stultescat Gorgonius?

Eug. O graphicè: sed unde eum dicam hosce mu-
tuatum flosculos?

Nunquid tam scitè ineptias agunt passim in Anglia?

SCENA

SCENA VII.

Eugenius, Aurelius, Ludovicus.

Aur. **O** Optime Menandræ meæ custos, atque patrue,
Quò tandem sapientia te ducit tua, atque barbæ prolixitas?

Lud. Post varios casus, post tot discrimina,
Post tot annorum labores, atque lucubrationes crebras,
Jam tandem (utì spero) inveni quod in votis fuit,
Lapidem nimirum hunc invisibilem mihi;
Quo scilicet in ore gestato meo,
Alios videre possum omnes, at me mortalium nemo.
O sanctum manuscriptum!
Cujus ego operâ luculentum hoc perpetravi facinus.
At videam: ubi sunt conspiciilla mea?

Aur. Quid nunc rerum geritur, si diis placet?

Lud. Carmen ad sistendum sanguinem: *Hem, hum, sanguinem,*

Sanguinem, hum, bene. Ut mulier sequatur te,
Scribe has literas in manu, *Literas-hum literas---*
Literas in manu. Ut mulier deponat vestes-- (Ha ha he)
Vestes, vestes, hum, Walbuch cum cruce,
Debagux cum cruce, cruce, hem, hem. Au! jam locum teneo.

Ad faciendum lapidem invisibilem,
Tertiâ facie ascendente leonis, (*Bene-hem-hem,*)
Et in eadem versante Lunâ (*Optimè-hem---*)
C A P E tibi rubetam magnam, atque pone in harpagio aliquo,
Quod multa habet foramina: cujus os obtura bene,
Atque postea in formicario infodias-- (*Hem-hem,*)
Et post modicum temporis de ista rubeta nihil invenies

Relictum,

Relictum, nisi ossa & lapidem in capite ejus.

Optimé. Quem lapidem accipias, atque primo die
Ponatur in urina virginis masculi; Secundo, in vino
albo calido;

Tertio, in succo fœniculi; Quarto, in albumine ovi,
(hem---)

Quinto, in lacte mulieris masculum nutrientis--(hem)

Sexto, in vino rubro; Septimo, in septem albuminibus
ovorum:

Rident Au. Et factum est. Ha ha he.

Eug. Næ ego hæc omnia accuraté feci.

Nimis jam volo mortalem aliquem mihi fieri obviám:

Et videón' Eugenium cum Aurelio fabulantem?

Equidem beástis me:

Super his, me videant an non, faciam periculum.

Aur. Simulemus, obsecro: virtutem istam lapidem
habere credat.

Quis híc loquitur? *Lud.* Non me vident: salvus
sum.

Eug. Portentum! Vox & præterea nihil?

Lud. O sanctum manuscriptum! *Aur.* Deorum nu-
mina!

Quantum in anno suo magno erravit Plato?

Nimis equidem longam isti destinavit vitam:

Æneas nunc iterum ad Carthaginem viam corripit,

Et Venus obscuro gradientem in aëre sepsit.

Lud. Ha ha. Næ ego sum omnium quantum est
hominum

Beatorum beatissimus. *Aur.* Eugeni. *Eug.* Quid vis?

Aur. Audistín' vocem iterum? *Eug.* Audivi: at unde
est, obsecro?

Neminem pol video. *Aur.* Neque ego, mediusfidius.

Lud. Quantos jam creabo ludos! Ha ha he.

Aur. Eug. Ha ha he.

Aur. Metuo maximé. *Eug.* Quid metuis?

Aur. Nè ego sim miser in æternum;

Crucifixum enim reliqui domi; & certum est,
Spiritus aliquem nobis insidias struere.

Lud. Spiritum me credunt esse; minitabor. -- *Aureli.*

Ha ha he.

Ubi est iste Aurelius? Ha ha he.

Ego Aurelium istum detruncabo protinam,
Meam qui Menandram deperit.

Aur. Me nominat atque amores meos; stringe me-
cum gladium.

Lud. Peril! quid facturi?

Aur. Ubi ego rivalem inveniam meum?

Lud. Occidi! quid ego nunc faciam? ohime!

Aur. Atque ejulas? cave sis, perterrefaciamus tan-
tum bestiam.

Eug. Euge, tetigi, corpus habet. *Lud.* Heu! quid me
fiet?

Aur. Observa tu istas fores,
Nè isthac fortè seipsum præcipitet.

Lud. O me infelicem! quò me vertam incertus sum.

Aur. Eugeni, ocyùs amabó, ocyùs; vocem ejus
Accepi rursus, atque ipsum revera; teneo, teneo;
Opitulare mihi; væ capiti; quàm robustus!

Lud. Apagite vos à me: quid agitis?

Aur. Barbam habet & nasum; homo est, sat scio.

Eug. Eodem argumento & hircum evincas. Sed ubi
est amabó?

Aur. Hic ad lævam; da manum; prehendi jam?

Eug. Optimè: hui! quàm catholicam barbam alit!

Aur. Et quid ais de naso? *Eug.* Romanum quidem.

Lud. O---o--- Furia---o---o---mastigia; masti-
gia---o---o---

Quid vultis?---o---o--- *Aur.* Ha ha he.
Cave, insane, nè digitos comburas tuos.

Eug. Bene pol mones: Sed cùm de digitis loqueris,
Ubi sunt manus ejus? annulum
Fortassis invisibilem portat, quisquis est.

*Hic Aur.
& Eugen.
metum ex-
primunt,
clàm ta-
men vi-
dent.*

*Gladios
vibrant.*

*Procum-
bit humi.*

Lud. Heu ! hoc quid sit, me quòd nondum vident?
Siquidem lapidem jamdudum in loculo reposui.

Eug. Nullus est in hac. *Aur.* Neque in isthac: mirum est.

Eug. Nè mirare ; dæmoniacus est planissimè; aliter non potest.

Aur. Vin' isti dæmoni viam per latera faciam gladio?

Vin' illi Æsculapius ut fiam? *Eug.* Cave faxis, obsecro.

Aur. Hem , impetrâsti : sed quid eo faciamus , dic fodes.

Eug. Quid si ad Ludovicum hîc apportemus in proximo?

Lud. Dii faxint. *Aur.* Nam cur ad illum? *Eug.* Vah! rogitas?

Artes ille callet, quibus dæmones nullo negotio abigit,
Sed & lapidem (uti aiunt) invenit nuperrimè, quo quis munitus invisibilis ambulat.

Lud. Euge! laudat me quasi absentem;

Artes simul & fortunas miratur meas:

O præclarum lapidem ! aurichalco contrà pol minimè carum.

Aur. Ha ha he. Audin' fatuum ? *Eug.* Audio : quin ludos porrò faciamus.

Aur. Lubentissimè. *Eug.* Sed audi potiùs lepidum commentum,

Quod mihi nunc primùm in mentem venit.

Aur. Audire gestio. *Lud.* Quid (malùm!) nunc capita conferunt ?

Aur. Non satis intelligo. *Eug.* Advortas animum;

A patre (inquam) in mandatis habeo,

Arcam quamprimum ad sororem mittere.

Aur. Sororem tuam Feliciam vis, quam ad Monasterium

Sanctæ Catharinæ ablegavit nuper ?

Eug. Tenes. Conjiciamus in hanc arcam invisibilem

bilem hunc asinum Ludovicum.

Lud. Quàm ego nunc totus tremo, nè, quo pacto lapidem mihi surripiant,

Consilia conferant! *Aur.* Perge porrò.

Eug. Et sic in arca conclusus, ad Monasterium transportabitur protinam;

Quo facto ad Menandram neptem ejus & amores tuos Latissima patebit via.

Aur. Euge, mi Eugeni! beâsti me planè hoc tuo consilio.

Lud. Sic est profectò; lætantur de commento surripiendi mihi lapidem.

Eug. Liberè etiam de rebus vestris licebit consulere.

Aur. Atque illam, si necesse fuerit, ex ædibus patruì Verè tum invisibilis aliquò deducere:

Lud. Perii; vocem *invisibilis* audio: insidiantur lapidi meo planissimè.

Aur. Quin in hominem irruimus, Eugeni mi? Et rapimus hinc ad vos è vestigio?

Eug. Ubi etiam minas addemus gravissimas, Nè in arca vel tantillum strepitus faciat.

Aur. Ha, ha, he; ridebimus affatim. ---Sed hoc agamus.

Quisquis es mortalium--- *Eug.* Aut quicquid rerum--

Aur. Nobiscum ibis. *Eug.* Vel ingratiis.

Lud. Ohime! quò me rapitis? mittite me, obtestor vos, obsecro,

Et artem meam vobis impertiam, aut ipsum donabo lapidem.

Eug. Frustra es.

Exeunt.

Finis actûs primi.



ACTUS SECUNDI

SCENA PRIMA.

*Euphues, Gorgonius, Cassio cum lychno,
Eugenius, Aurelius, Croto & Bardax
cum risco, Tricongio ebrius.*

Euph



Ohibe te intra limen parumper, mi
discipule: prospectabo prius,
Nè nobis iterum locentur insidiæ:
atque eccos quos metuebam.

Eug. Croto, quod mandavi cures
vide diligenter atque sobriè;

Arca nimirum hæc ad sororem fac volet:

Atque hem tibi clavem! *Aur.* Eugeni. *Eug.* Mi Au-
reli, venio.

At nolo scelus te extispicis partes nunc agere,

Et quid viscera ominentur percontarier.

*Exeunt
Aur. Eug.
& Cassio,*

Crot. Quorsum hæc suspicio, here? Non est istarum
artium

Aut operarum *Croto:* ---cape sis funem hunc tu.

Mirum est quid in hac sepeliatur arca; siquidem

Inspectionem tam cautè nobis prævetuit herilis filius.

Mehercle terram valde amat, vix possum ab osculis
mutuis----

Bar. Vin' introspeciamus? *Crot.* Si vis; circumspecte
tu interea,

* Clavem
apponit
sæc.

Nè quis à nobis imprudentes opprimat.*

Bar. St, *Croto.* *Crot.* Quid rei est?

Tric. Caveant sibi edico omnibus; nam si quen-
quam in via

* Offendit
in risum,

Prehendero, dabit infortunium.*

Quid,

Quid, malum? Quis pedibus meis tam familiaris est?
Veni nunc furcifer, veni modo. *Crot.* Tricongio!

Tric. Tricongio? Quis ille tenebrio qui me tam
serviliter

Compellat? ego sum Tricongio Persyngraphicus,
Pamphididasculus; Romanus sum & nomine & virtute.

O mi Croto, mi suavissime congerro, mi festivissime--

Non occurrit hercle nomen te dignum aut meritis tuis:

Ibis mecum, per Jovem: eamus, eamus:

Vinum nos expectat, depromptum est (me vide) de-
promptum est.

Vinum Hispanicum tibi dabo, lepiduscule,

Et cantabimus invicem. Quid (malum) renuis?

Crot. Mitte me quaeso: alia jam me avocant negotia.

Tric. Deum atque hominum! non te dimittam, mi
Crototule. (nasterium

Crot. At viden' provinciam hanc nostram? ad Mo-
Hoc nos asportare oportet prius, mi Tricongiole.

Tric. Ad Monasterium? imò ego te ad locum du-
cam meliorem,

In ænopolium nostrum fratris Boniventris; hinc in
Sed quis illic est homo? (proximo.

Crot. Conservus meus. *Tric.* Tum conservus tuus
nobiscum ibit una.

Sic erit, per Jovem,-- per deos.

Crot. At quid de hac fiet arca interea, sodes?

Tric. Si bibere potesset, deduceremus simul;

Sed quando istam non novit artem, vos hic præstola-
bitur sobria.

Crot. At audi, obsecro. *Tric.* Nihil audio; sequi-
mini me.

Crot. Eamus; redibimus è vestigio.

Exeunt.

Gorg. Magister, magister, abiêre. *Euph.* Pro cer-
ton? *Gorg.* Crede mihi, certò.

Euph. Prospecta denuo. *Gorg.* In malam rem, vi-
deo alterum.

Euph. Proin redi.

B 3^{um} SCEN.

SCENA II.

Endomuchus solus.

Salvete plurimùm tenebræ ; Túque istarum Nox
regina,

Salve, nimis (heu !) nimis animi vera imago mei.

Præpollens Amor! quàm citò è Germania patria

Ad Antipodes tuâ sum provectus operâ !

Quum enim vigilant populares mei,

Ego interea loci latibulum quærito;

Et contrâ, ubi quietem agunt illi, ego foras prodeo
miser;

Occidentémq; non aliter, quàm Persæ orientem,

Adoro Solem. Sed quid de Sole loquor ?

O mea Felicia, tu mihi Sol: nempe quod majori ille

Mundo, hoc tu huic minori præstas :

Noctes atque dies mihi non cœlorum quidem,

Sed sydera longè splendidiora tui faciunt oculi:

Quos si recludas, lux est ; imò Alcedo pullos educit
suos :

Quin abscondas iterum, etiam pudibunda caput

Abscondit dies, & nocti cedit imperium.

Sed somnias, inepte;

Neque enim aut illius pulchritudinis, aut meæ miseræ

Simulachrum universa suppeditat mundi fabrica:

Siquidem Soles occidere & redire possunt,

Absentiámque matutino adventu affatim compensant
suo:

At mihi semper Jupiter cum Alcumena cubat,

Nox est perpetua. --- Beati muri !

Sinite me vobis suavium imprimere.---

At quid fecisti, insane ? inimicis suavium ? invidi muri !

Felicia, mea Felicia, quin Endomucho tuo respondeas:

Nullus audio, nullus sum; Felicia. *Lud. in risco.* -- Licia.

End. Ha! quænam ista vox ? Felicia. *Lud.* -- Licia.

End. Perii ; ludit me crudelis Echo: Etiam tun'

amatoribus

Narcissi

Narcissi odium ? Felicia. *Lud.* --- *Licia.* *End.* Atq;
iterum ?

Quàm nimum vellē jam nunc tibi corpus, loquacula,
Ut pœnas des postea ! Sed comprime te, profana lingua.

Fortassis istius nominis delectatur sono,

Atque ideo haud semel misella gestit repetere.

Si sic, formosa, Endomuchus tibi gratias habet.

Hoccine parentum ? O verè *Senile odium* ! parentes
immanes !

Nulla alio pacto vobis liberos reponere potesse arbi-
tramini,

Nisi id quod dedistis vitæ reposcatis illico ?

Sed quid hîc ante pedes habeo ? Ha !

Quantum per noctem licet, rilcum video repositorium,

Majusculis superscriptum literis. --- Oculorum delicias !

Quid video ? Felicia Theophili ? Dii me servatum
volunt.

SCENA III.

Endomuchus, Ludovicus in risico.

Lud. **A**T qui me perditum funditus !

End. Unde dicam hunc provenisse sonitum ?

Lud. Oh ! Ohime ! *End.* Quænam hîc fiunt præ-
stigiæ ?

Lud. O, fer opem, obsecro, quisquis es ; subveni mi-
fero.

Oh ! vix capio anhelitum ; tantâ aëris laboro in angustia.

End. Quicquid est, arcam tentabo reserare : atque
eccam clavem in promptu.

Ha ! quis tu es, homo ? aut unde hîc inclusus, obsecro ? *Reclusa*

Lud. Dicam ; at sine respirem prius, siquidem respon- *arca de*
sionem velis. *subito*

End. Loquere, inquam, istâ quid tibi debetur in ar- *prosilie*
câ, Veneree nepotule ? *Ludovicus*

Quin respondeas, scelus. Quid sibi vult in hac meæ

Feliciæ occultatio? *Lud.* Oh! ægrè tandem animam trahio:

Omnia tibi dicam ordine: sine modó. End. Sino.

Lud. Nostin' (opinor) Eugenium Theophili filium.

End. Non meipsum melius. *Lud.* Atque sodalem ejus Aurelium.

End. Quippini? *Lud.* Quos omnes dii deæque perdant.

End. Non taces? *Lud.* Hi homines mihi fortè fortunâ hodie fiunt obviâ.

End. Quid tum postea? *Lud.* Miseris multis atque malis

Me tractabant modis; atque tandem in riscum hunc, Quem ad filiam suam Feliciam cum vestimentis ejus Mittere jussit pater, me ludibrii causâ

Compingunt isti viri bellissimi; & eodem

Quo me offendisti modo, ad Monasterium me decrêrunt deportarier:

Adjectis insuper minis plurimis,

Nè hiscerem quidem priusquam ad Feliciam appellerem.

End. Venerem video, orientis præludium Solis:

Nunc spes est mihi iterum affulsuram diem.

At mane; cur hic relictâ est arca? expedi:

Lud. Scies. Servi, quibus ad ferendum hoc creditum est,

In proximo potant ænopolio; jam hîc aderunt, scio:

End. Lucescit magis atque magis hoc tuo responso.

Tantum est,

Servine hujus conscii sint facinoris, necne?

Lud. Juxtâ cum illis qui nihil nôrunt. *End.* Eia:

Nunc vulgus cœli capita obducunt sua, Sol exortus est:

Præ gaudio (itâ me dii ament) ubi sim nescio.

O Patrone mi! sine te amplecter mea commoditas.

Sed quid moror?

Vin' tu hominis amici mihi officium fungier?

Lud. Pro-

Lud. Promeritus es quidem.

End. Tum exuvias tuas meas induvias volo.

*Endomus
chus in
arcam
insilit.*

Obsecro te, quamprimum me hîc impingito. Quid stas,
Quasi rationem quæras? Si te memorem beneficii,
Et me felicem audire cupis, fac quod te rogo.

Lud. Æquum postulas mehercle;—vel in carcerem,
si volupe est.

Agé, caput tuum reclines molliter, si sapis; sic.---

Atque eccos ipsos! Quicquid jam fiet, ego me domum
recipiam.

Exi.

SCENA IIII.

Croto, Bardax.

Crot. Quid ais, Bardax? *Bar.* Quid?
Hominem istum Tricongionem appotum
esse probé.

Crot. Pol à vero minimum abest isthuc verbum;
Sed porta tu ad istam partem.

Bar. At non inspectabimus, uti animati fuimus?

Crot. Tempus jam non patitur, atque herus etiam
Jamdudum nos expectat; præterea nobis quid profu-
erit

Videre, quod auferre non licet?

Bar. Verum dicis, Eamus ergó.

Atque eccum Tricongionem. *Crot.* Properemus ergó:
Nam ille nos reducet in ænopolium.

Exeunt.

SCENA V.

Tricongio ebrius solus.

Hominum omnium, quem ego si vivo; vini perni-
ciem----

Non mihi sextarium ut credat? Etiam inter amicos
Fidem jugulare? Profectò verbis jam nunc consequi
nequeo

Quàm

Quàm gravem inimicum isthoc nomine habiturus
 Me sit in posterum. Postquam ego hinc abii,
 (Non proximè volo, sed cùm Eugeni-
 Et Aurelius hîc erant præ foribus)
 Solidum ab amico Dippo accepi mutuum:
 Post id locorum in proximum dehinc me abdidi diver-
 sorium,

Ubi viam in ventrem ostendere istum decrevi nummu-
 lum:

Quod factum dedi fabrè, & pulchrè satís. *Up.*
 Quid (malum) est? nōne placet domicilium?
 Ædepol non brassicam in ventre habeo.
 Sed vide sis astutiam atque nequitiam hospitis;
 Dum in manu videt pecuniam, amplectitur,
 Nemo atque ego optatus æquè illisce potat in ædibus,
 Dextras jungimus, atque Genium me vocat suum,
 Germani simus fratres. Hæc dum facta sunt,
 Vinum ingenio me atque nummo circumducit illico:
 Ego, quantum potui, oculis atque ore hospitem vena-
 tus sum;

Nullus video, neq; ubi sit Germanus frater meus
 Quisquam indicare potest. Vinum rogo:
 Respondet qui promit, mihi nihil opus esse.
 Ego strenuè atque athleticè (sicut virum decet) iterum
 peto:

Ille me pecuniam rogat. Ego me fidem habere
 Apud herum dico; pecuniam jam non habere. Quid
 opus verbis?

Ubi me vacuum sentiunt, excludunt foras:
 Et sic ego domum revertor penè ebrius;
 Atque intrabo. Sed quid hoc? occlusa est janua:
 Quis mihi respondet, atque aperit?

*Pulsat
 estium.*

*Decumbit
 Tricong.*

Nemon' est? subolet mihi hoc negotium:
 Sub Jove frigido hoc noctis dormiendum est mihi.

SCENA VI.

*Aurelius, Eugenius, Tricongio dormiens
præ foribus, Cassio.*

Aur. **E**stne hic Philautus ille Leonhardi filius,
Quem nos reliquimus modò? *Eug.* Ipsis-
simus.

Haud equidem placet vinum, quod bibi modò.

Aur. Neque mihi. Sed ubi Cassio tuus? invespera-
scit validè.

Eug. Ventus lychno extinxit oculum, atque is
Vulcanum (ut opinor) quærit ophthalmicum.

Aur. Sed audi, obsecro; quemnam mortalium
Se putet esse Philautus, mirari nequeo satis.

Eug. Neminem opinor mortalium. *Aur.* Opinor?
Enimvero

Ex voce, vultu, gestuque Alexandrum Magnum,
Aut Turcarum Imperatorem crederes.

Eug. Au: nimirum sic nunc oportet, postquam fra-
ter illius

Major, Endomuchus, ad plures abiit,
Atque ipsum hæredem reliquit adeò.

Aur. Ain' verò fratrem ejus ad plures abiisse?

Eug. Quidni? certè enim nusquam invenitur gen-
tium,

Et decem jam sunt elapsi dies

Quando paternis valedixit ædibus; unde rumor

Undiquaque spargitur, apud superos non esse.

Aur. Inaudita narras mihi. *Eug.* Et hoc monstrum
mali

Duo inæquales genuerunt parentes. *Aur.* Quinam isti?

Eug. Amor atque Odium. *Aur.* Amabò (Aurelius
sum,

Non Oedipus) quid tu hîc ænigmata?

Eug. At reddam perspicuum: amor scilicet juvenem
inter

Et sororem meam, parentumque odium;
Quod tu scis quam implacabile semper fuerit. (erat,
Aur. Doleo ecastor vicem hominis; nimirum hoc
Quod religiosam sororem tuam voluit pater.

Eug. Tenes. Et hoc est quod Philautum tam elatum facit.

Aur. Ædepol humilis satis est nunc jam, ni fallor:
Nam dormit ebrius in proximo cœnopolio.

Eug. Morbo nimium pestifero laborat, Aureli. Sed
quid hic?

Etiam tam citò in urbem hæc se sparsit contagio?

Aur. Dii immortales! Tricongionem conspicio.

Eug. Is est profectò; hem, Tricongio, quid agitur?

Aur. Quin expergiscere (inquam) Tricongio.

Eug. Sisyphi quidem saxum volvimus. Quid ais,
Aureli?

Aur. Quid vis? *Eug.* Vin' facinus luculentum atq;
graphicum tibi?

Aur. Quàm divitias mavellem. *Eug.* Scis tu Philautum,

Somno vinoque sepultum, apud signum nunc stertere
Diaboli?

Aur. Scio. Sed quid de hoc? *Eug.* Scias faxo.
Vestes ego horum atque loca mutare volo, aliud nisi
tu susseris.

Aur. Quid tum porrò? *Eug.* Quid, nisi ex Tricon-
gione

Philautum, atque ex Philauto Tricongionem facere
planissimè?

Aur. Consilium placet. Atque cum mecum cogito,
Non multum facie sunt dissimiles, neque staturâ adeo.

Eug. Vera prædicas. *Aur.* Sed mane dum:
Nè expergefiat, vestes dum mutantur, cauto opus est.

Eug. Nihil opus; me vide,---Octinginta tympana
Illi, si adefient, somnum excutere nequeunt.

Hem Cassio, ocyus ad me; ubi tu es?

Cas. Præstò:

Cas. Præstô: si quid vis, impera. *Aur.* Sed audi iterum, Eugeni:

Quid si servus ejus, qui dormientem comitatur herum,
Non sinat hoc fieri?

Eug. Nempe quid si cœlum ruat?

Domini famulus est, eandem potionem ab eodem accepit medico;

Dormit etiam. *Cassio.* *Cas.* Adsum. *Eug.* Nisi malè memini,

Ex te audiivi, patrem tuum lanionem esse.

Cas. Scilicet non te fallit memoria, here.

Eug. Nunquid vitulos portare solitus, cum apud patrem eras?

Cas. Non est quod mentiar, here; Per plurimos.

Eug. Antiquâ tuâ arte nunc opus est; vide,

Cape sis istum sublimem, atque moliter: audistin'?

Cas. Quid de eo factum vis? *Eug.* Ad diverforium
Dehinc proximum quamprimum bajula: Ego te sequar: Cedo mihi lychnum.

Cas. Ω Ζεῦ· hic est profectò bibliopola Tricongio ebrius.

Eug. Ω Ζεῦ; si operâ tuâ experrectus fiet,
Sentient statim isthuc scapulæ tuæ.

Tu, Aureli, meum hîc præstolare reditum.

Aur. Quod felix faultumq; sit nobis, totique Reipublicæ nugatoriæ.

Exeunt
Eug. &
Cassio Tricongionem
bajulanti.

SCENA VII.

Aurelius solus.

QUOD spreus & contemptus ambulat Aurelius,
Tibi, Fortuna, non vitio verto. Omne hoc
Depravatis hominum moribus, populique ignorantia imputo,
Qui neminem probum, sapientem retur neminem, nisi
qui dives.

At

At esto: Nil scilicet novi facit.

Verum cum oculos contemplatum foras emitto meos,
Et hic fungum invenio, Euparyphum ex Comœdia,
Qui mullum præter, & aprum, nil prorsus sapit,
Centum conducit coquos ut sibi & parasito suo satis
fiet,

Et multa præterea, quæ miser & frugi non fecit Api-
tius:

Illic vitiorum molem,

Quæ criminibus debet hortos, prætoria, mensas,
Argentum vetus, & quicquid eorum quibus illius de-
betur honor:

Hic rursus ganconem alterum, sapientem juxta cum
præcilo sue,

Cujus ad repetenda nomina opus est viatico:

Cum omnia hæc (inquam) fieri video,

Atque in meipsum demum oculos retorqueo,

A querelis mehercle vix ægrè abstineo.

At ô Menandra mea! Paupertas nunquam mihi

Æquè videtur gravis, atque cum de te cogito:

Tum quasi maximum omnium abominor malum,

Quam inter felicitates numerabam antea.

Infelix rerum inopia; atque eò sanè infelicior & acer-
bior,

Quòd meliora Aurelii nomen videbatur ominari mihi.

Ad hæc mala hoc mihi accedit etiam,

Quòd scelus viri, Ludovicus, Menandram meam

(Cujus in potestate illius moriens reliquit pater)

Gorgonio (miserum me!) dare laborat nuptum.

Inter has ærumnas hoc me consolatur tamen,

Quòd mortem ipsam (utì virginis novi constanti-
am)

Lubentius longè quàm istas amplexabitur nuptias.

SCENA

SCENA VIII.

Aurelius, Coryttia, Luma.

Aur. **S**ed fores à Tricongione crepuère; atque ec-
cam Coryttiam!

Quàm ego metuo, nè hæc Eugenii disturbet fabricam,
Diu si præ foribus maneat. Concedam huc paululum,
Ut quid agat accipiam.

Cot. Luma, Luma, inquam. *Lum.* Mea hospita.

Cot. Jube dum amabò ancillam meam quampri-
mum descendere.

Lum. Nam quam tu ancillam vis? nè musca quidem
ancilla est in ædibus.

Cot. O mores! tam illam jam aufugisse scio, quàm
me vivere.

Lum. Quid mirum, mea hospita; tu quando eam
sic quotidie verberas?

Coryt. Eia verò! Nónne virum etiam meum quo-
tidie verberibus accipio?

An illa melior viro? quid ego nunc faciam,
Quando vir meus redit domum madidus, uti solet?
Optima mea Luma, tunc mihi (si opus fuerit) adju-
trix eris?

Lum. Si quid meæ vires efficere possint, impera.

Coryt. Mecastor bona es; & tu, mea Luma, quan-
do nupta fueris,

Idem mihi impera; & si imperium detrectem, habear
omnium ingratißima.

Sed eamus intrò, & pessulum imprimis obdamus ostio.

Lum. Ad manum tibi sum, mea hospita.

Exeunt.

Aur. Salva res est; redit intrò.

Væ scapulis Tricongionis supposititii, quantum ego
illam audiui loqui.

SCENA.

SCENA IX.

*Aurelius, Eugenius, Cassio bajulans Philautum
veste Tricongionis indutum,
Coryttia, Luma.*

Eug. **C**ircumspicere lubet priusquam ingrediar. Oh!
omnia fabrè;

Neminem video nisi amicum meum. Quid agis?

Aur. Expecto ludos tuos. *Eug.* Placidè, Cassio,
placidè.

Aur. Sed quid vos Tricongionem reducitis?

Eug. Quid tui hallucinantur oculi? depone hu-
meris. —

Aur. Nónne is est? *Eug.* Hominem contempla.

Aur. Mecastor, quantum ego video, Tricongionem
video.

Eug. Utere oculis meliusculè. *Aur.* Deos precor;
Nanquam tam similiter Mercurius simulavit Socratem,
Cùm longa erat nox. Sed Philautus quid?

Eug. Ipse hic est: Cassio, abi tu domum; atque
audin'?

Cave nè quis hæc facta esse à te sciverit.

Cass. Nè dubites, here; non faciam.

Aur. Quid nunc agendum est, Eugeni?

Eug. Opus est mihi circulo, atque aquâ benedictâ;
Vel, qui instar omnium est, Francisci cucullo.

Aur. Nam quid eis, obsecro? *Eug.* Suscitabo ego
extemplo

Cacodæmonem. Tic toc. S't, factus est intus sonitus.
Tic toc.

Prodit Furæ prælufit iste adventui, sat scio?

Coryttia. Hui! carmen quàm præpollens!

Coryt. Eia! Jam tandem verbero? citò, mea Lu-
ma, citò scipionem mihi.

Lum. Hem tibi! *Cor.* O mi lepide potator,
Ni ego te, furcifer, ex Tricongione faciam

Malorum

Malorum quinque-congiarium.

Eug. Abscede longius à foribus.

*Vapulae
Tricong.*

Coryt. Et nisi sanguinem è capite depromam tuo,

Quàm tu vinum unquam à cado, crebrius---

*Vapulae
Tricong.*

Phy phy, defessa sum verberando mastigiam.

Lum. Proin respira pauxillulum, mea hospita:

Et ego quid possim interea loci experiar, si placet.

Aur. Ha ha he, nimis beat quod nunc ebrium est
verbereum caput.

Coryt. Imò operam & oleum perdo, mea Luma;

Iram, dum vigilat, reservabo meam; proin, Luma,

Cape tu, quæso, pedes hujus hospitis tui bellissimi,

Dum ego sobrium ejus caput induco postea.

Exeunt.

Eug. Facilis descensus Averni, &c.

Aur. At nunc abunde nugarum fecimus, mi Eugeni;

Obsecro te jam, in rem quod erit meam, ad Menan-
dram huc,

Dum abest senex, nosmet recipiamus pariter,

Ut de virgine ex hisce ædibus eripienda

Aliquid inter nos capiamus consilii.

Eug. Sequor te. *Aur.* Dii vostrum fidem!

Eug. Quid sibi vult hæc subita reversio tua?

Aur. Nullibi veriùs Philosophis *Intus existens pro-*
hibet alienum.

Eug. Quid rei est? *Aur.* Domi eccum Ludovicum!

Eug. Domi? non verisimile dicis. *Aur.* Imò plus-
quam verisimile,

Aut ego hisce oculis jam postremam habeo fidem.

Viden' ubi meditabundus ambulat? *Eug.* Apage be-
stiam: nimis nunc quidem visibilis.

At quomodo hoc fieri potest? *Aur.* Nescio: hoc unum
tantum scio,

Me spei simul atque vitæ naufragium fecisse hodie;

Ità vigilans iste Draco omnia mea conturbavit consilia.

Eug. Melius ominare; Medeam exorabimus, herbas
det nobis

Quibus in ignotos oculos somnum immisit custodi arboris aureæ.

Eamus ad nos interea, ut de hac re servi,
Qui istum asportârunt, reddant certiores.

Aur. Dimidium habe: melior verò pars mei
Hic in proximo hærebit vel ingratiis.


Finis actûs secundi.



ACTUS TERTII

SCENA PRIMA.

Tricongio in veste *Philauti*, *Rufanus*
servus *Philauti*.

Tric.  Am luceſcit, video: nimis ſapienter
Heſternam edormiſti crapulam,
Tricongio.

At Dii ſervâſſent me! ut ego pul-
chrè veſtitus ambulo,
Atque athleticè! Mira hæc ſunt. Sed quis tu es homo,
Qui me quid faciam obſervare non deſinis?

Ruf. Hem! ſervum tuum non nôſti? *Tric.* Servum
meum? Ha, ha, he.

Reſponde mihi infane; Quis ego ſum hominum,
Tu quem herum appellas tuum? *Ruf.* Ecaſtor, pro-
blematicon:

Scilicet, cùm per alterum triennium tecum ero, hoc di-
cam tibi.

Tric. Moleſtus es; vin' quod te rogo expedire?

Ruf. Philautus es Leonhardi filius.

Tric. Pol me ſuperbum eſſe oportet, ità ut nomen
cluet.

Quis

Quis tu es ergo? *Ruf.* Servus tuus. *Tric.* Aliud rego.

Ruf. Atque ego aliud respondeo. *Tric.* Quid est tibi nomen?

Ruf. Eia! delicias facis, here; quasi tu non nôris.

Est mihi nomen Rufano. *Tric.* Ain' tu, Rufane, te servum

Meum esse? *Ruf.* Aio enimvero. *Tric.* Tum in malam rem

Servum suum Rufanum abire jubet herus Philautus;

Quò hoc evadat negotium, mirari nequeo satis;

Undequaque sum nobilis. -----

Nempe, si Deorum aliquis felicem me, atque fortunatum volet,

Non æquum est mihi isti adversari Numini.

Sed mane dum; ornatum hunc marsupium opimum

Atque satutum certum est comitarier: Quid ego video? *Quærit pecuniam in loculis.*

Dentiscalpiorum nemus, & præterea nihil?

Dentes pol habeat oportet minimè mucidos,

Cujus divitiæ totæ in his sitæ sunt: Au, isthoc armatus sum in loco. *Galerum inspicit.*

At mane, mane; hujusmodi vestes sine nummo? mirum facinus!

Sed fortassis servos herilis custodes pecuniæ

Facitavit usus: faciam periculum. Rufane. *Ruf.* Quid vis?

Tric. Cedo mihi marsupium, tuæ quod olim credidi custodiæ.

Ruf. Non equidem credidisti, neque unquam te marsupium habere memini.

Tric. Negas? Quo ergò in loco pecuniæ meæ habitare solent?

Ruf. Ubi quod nusquam est.

Tric. Næ ego sum pulchrè miser, uti verba audio.

Sed audi, Rufane. Abi tu domum è curriculo,

Atque aurei isti mille, qui in arca clathrata dormiunt,

Fac huc iter faciant continuo.

Ruf. Aurei mille? Ha, ha, he: Quantæ insunt vino divitiæ!

Tric. Etiam pro ridiculo habes, furcifer? stimulorum leges----

Nisi ego solem & lucem filiam ejus in viscera tua
Per tot ducam fenestras, quot unquam in cribro vidisti
foramina.-----

*Ausagit
seruus.*

Ecce autem! quàm pernix fugit homuncio!
Quis ego sim hominum nescio; at hoc certo certius est,
Me heroum esse aliquem, atque bellatorem strenuum;
Ità homines omnes, quoscunque video, perterrefacio.
Ha, ha.

*Legit in-
scriptionē
gladii.*

Ferrum pol perpolitum nimis!
Sed quid hīc inscriptum habet? *Me fecit Henricus
Pomeranus, ad Imperialem Majestatem Machæropæus,
In anno Tertio Serenissimi Imperatoris Rodolphi
Secundi, jam habitans in nobili Francofurto.*
Henricus Pomeranus ad Imperialem majestatem
Machæropæus? ha! Ad imperialem majestatem Ma-
chæropæus?

Ecce autem insignia imperii! Solem video,
Atque aquilam explicatam cum duobus capitibus.
Mirum est, ni ego nunc Imperator electus siem.
Et cū meliūs hæc animo versare incipio meo,
Quasi per nebulam novissimè extinctum audivisse me
Ferdinandum memini.

Nemo est hodie qui mihi aliud dabit consilium.
Quin ità est planissimè, uti ego aytumo:
Magnum me faciam nunc, quoniam & idem decrevis
Fortuna;

Sed ubi Satellites?

Curate ut equi, & carrucæ meæ actutum in promptu
sient,

Nam me quamprimū ad Aquilgranum Juliaci reci-
piam,

Ubi coronam argenteam pro Germania;

Deinde

Deinde ad Mediolanum, ubi ferream pro Longobardia;
Et post me Romæ dabo, ubi auream denique pro im-
perio ----

Ego statim (decretum est) bellum inibo cum Hispaniæ
Rege,

Atque cum Papa superbo ejus Capellano:

Et nisi dabuntur extemplo Hildebrandi ossa,

(Qui Henrico quarto antecessori meo interdixit Ec-
clesiæ)

Ut ex pulvere illorum medicamentum fiat contra sca-
biem,

Sanctè juro hîc, me (dictum, factum) Lutheranum
fore.

SCENA II.

Tricongio, Sutor vestiarius, Lictores duo.

Sut. **H**Eu me! fidem (ut mores nunc sunt)
Qui inter homines quærit, frustra quærit.

Vel hic Philautus juravit quoties

Numeraturum quam mihi debet pecuniam?

Sed neque nummum adhuc, neque ipsum jam invenire
possum.

Quem si semel --- *Est locus in carcere quod Tullianum
appellatur.*

Nervis & compedibus faciam, ad manum ut fiet;

Non tam acriter sudabo illum quæritando, si opus erit
postea.

Au, obsecro vos; ipsum video; Lictores,

Hîc manete clanculum dum vos evocavero, obsecro ---

Molliter prius verbis aggrediar hominem.

Salvus sis, Philaute; numerasti, uti spero, pecuniam:

Vin' tibi libellum? inspicere invenies quod verum est. *Porrigit
libellum*

Tric. Ha, à quo nempe hæc dicamus literas?

Tricong.

An fortè ex Anglia es? vel ex Gallia?

An de Polonia, ego jam dies complures

Legatos ex istis expectavi regionibus.

1. *Licet.* Imò ex Psittacorum regione omnes futores
vestiarii;

Nam alienâ semper superbiunt in pluma.

Sut. Ludos me facit; non ferendum est: vos modò
Videte nè in quæstione sitis. Quin mitte jocularia,
Atq; responde mihi, aut soluturum, aut non soluturum.

Tric. Si de hoste Hispano ago triumphos,
Aurifodinæ meæ Indicæ (si classẽ à butyratis
Hollandorum manibus ero defendendo)
Contra Turcarum Imperatorem, caput istud cucurbi-
tinum

Copias mihi militares perpetuò suppeditaverint.

Sut. Nulla spes est de argento, de auro tam magni-
ficè somniat.

Agite vos quæso; facite officium vestrum.

2. *Licet.* Factum videbis.

Sut. Obtorto collo istum in vincula rapite.

Tric. Hah, lepidè, lepidè, citò, citò.

Romam jam nunc visere totis sum in desideriis:
Ego sanctissimum istud Ecclesiæ caput, ad pedes de-
scendat faxim meos.

Sut. Satis basilicè.

SCENA III.

Endomuchus, Felicia.

End. **M** Ane dum, precor.
Jam abiêrunt; nè time, nemo est.

Felicia mea,

Mehercle vix loquendi copiam ab osculis possum im-
petrare.

Fel. Endomuche mi, teneon' te? *End.* Tenes, mel
meum.

Fel. At vix meipsam quidem, tantis sum in gaudiis.
Heu! vercor nè præ lætitia anima

Hujus

Hujus domicilium relinquat corporis.

End. At ego (voluptas mea) sexcentis osculorum
vocibus

In has pulchras ædes suas pulchriorem

Istam fugitivam revocabo iterum.

Fel. Sed, amabó, num híc manere tutum est?

Concedamus longiusculè à Monasterio;

Metuo nè Monialium aliqua, ubi in cubiculo me non
invenerit,

Per urbem sectetur, atque híc me offendant in via.

End. Nolo metuas, dum habeo quod in hisce rubet
venis,

Atque hunc gladium sodalem mihi— Sed quænam
hæc mulier

Quæ hisce se foras penetravit ex ædibus?

Tricongionis equidem est uxor.

SCENA IIIL.

Endomuchus, Felicia, Coryttia, Luma.

Cot. **E**Uge! si quis præ nimio potu ægrum habet ca-
put,

A me medicamentum quærat: ità lepidè

Jam modò meum ego accepi virum.

Non temerè (opinor) pedem in ænopolium postea:

Nam ego verberibus feci, ad caput poculum haud tol-
lat subitò.

End. Mulier, salve. Potin' tu nobis (quod pauca so-
letis) præstare?

Cot. Quodnam isthuc? *End.* Silentium scilicet.

Cot. Si de pretio inter nos conveniet, nè dubites.

End. Papæ! de pretio non litigabimus; hem tibi: an
satis putas?

Cot. Mecastor apud lapidem aurum tuum locasse
crede.

End. At apud indicem nolo. *Cot.* At tu sedo quid
velis.

End. In ædes tuas te nos clanculum recipere cupio,
 Dum quædam prætereant, quæ nobis imminent pericula.

Cot. Dabitur opera; sequimini. *End.* At, mulier, audi;

Ubi est maritus tuus? *Cot.* A marito nihil est quod metuis:

Utinam vel syllabam auderet iste sine imperio meo.

End. Eamus, mea vita. *Fel.* Lux mea, quocunque jusseris.

*Prodit
Luma.*

Cot. Sed quò tu Luma? *Lum.* Te quæsitum scilicet.

Cot. Nam quare sodes? *Lum.* Quem tu tot modò onerasti plagis,

Non est tuus Tricongio. *Cot.* Sanan' es?

Lum. I modò intrò, & tuis crede oculis.

Cot. Sequimini me, quæso, vos hospites; atq; omnem abjicite metum:

Exeunt

Ego spectrum hoc, mei viri quod latitat in vestibus,
 Aut abigam, aut pro meritis accipiam.

Lum. Næ ego in lepidum incidi hospitium, ubi tam miræ fiunt præstigiæ?

Neq; possum ego cogitando satis assequi quid hoc rei sit,

Quidve Tricongione nostro factum fiet; nisi forsàn alicubi dormit ebrius,

Atque hic peregrinus suffuratus est illi vestes:

Quicquid est, ecce, Cotyttia illum abegit foras.

Ego verò me subducam intrò.

SCENA V.

Philautus in veste Tricongionis.

O---o---ohime-- ô latera, lumbos, brachia,---o---o
 Hoccine est ebrium esse? vestes perdidi, gladium etiam,

Servum, & meipsum denique. Heu! quàm dolet caput!

Et

Et manus nunc suum officium facere nequeunt--o-o--
 Atque ut plenè miser siem; frater meus major,
 Quem per hos decem dies sperabam mortuum, revixit,
 rediitque;
 Et, cum amica sua, hujus mulieris nunc latet in ædibus;
 Quæ me nescio quò perperam perplexo appellat no-
 mine,
 Atque maritum me vocat suum: at vel patrem, si lubeat,
 postea;
 Nunquam tamen in domum istam pedem prorsus.
 Quid me fiet? Pudet enim his squalidis vestimentis
 In publicum prodire; atq; huc intrò redire piget magis.
 Quid faciam incertus sum.

SCENA. VI.

Philautus, Sutor vestiarius, Lictores duo.

Sut. **T**U istam capeffe viam, illam tu;
 Ego hunc proximum invisam angiportum.
 Sed quænam hæc humana pictura? Dii immortales!
 Ipfus est, vestes mutavit nequam. Lictores, Lictores.
Phil. O Furce, optimè nunc ad salutem meam te
 video.
Sut. Imò ad perniciem potiùs. *Phil.* Nescis tu for-
 tassìs,
 Quàm miseris modis hodie tractatus fuerim: viden?
 quàm pulchrè?
 Vestem mihi, obsecro, accommodes aliquam, si ad
 manum est:
 Nam pudet me in conspectum ire patris hujusmodi.
Sut. Nihil opus, mihi crede; aliud tibi paratum est
 iter.
 Bene: rideto me iterum, si volupe erit,
 Et legatos ex Gallia expecta, vel ex Polonia,
 Cùm libellum ostendo, atque meum repeto. Lictores,
 inquam.

1. Lict.

1. *Licet.* Quis nos revocat? *Sut.* Eccum captivum vestrum.

2. *Licet.* Ipse est; quàm dissimulat artifex!

Phil. Obsecro te. *Sut.* Verba mihi dari ampliùs nolo; Neque potes, nè speres. *Phil.* Per Jovem intra biduum, ad minimum,

Tibi rescribere in animo erat. (sum

Sut. Quorsum igitur hæc vestium mutatio? quor- Fuga hæc? responde. *Phil.* Egon' te ut fugiam?

Nusquam factum est à me, qui nisi jam te non vidi hodie.

Sut. Mortuo verba facis, Philaute.

Phil. Imò equidem tu penè mortuo. ---o---o---

Sut. Rapite, inquam. 2. *Licet.* Si pedibus pollet iterum,

Causam haud dico, quin à me petas pecuniam.

Sut. Petam hercle verò. *Phil.* Ohime! quò me rapitis?

Obsecro, subvenite cives. 2. *Licet.* Ocyús, ocyús. Quem Huc venientem video? fortasse in auxilium.

SCENA VII.

Eugenius solus.

Quis hîc civium implorat operam? Au; Lictores, nescio quem, ad carcerem corripunt.

Sed quid hoc, Eugeni, quod te tam miris modis surripuit tibi?

Deorum pessime! quem cæcum vaniloqui fabulantur poetæ, (meum;

Nimis equidem in supplicium te perspicacem inveni Nam absque te esset, nunquam ego tam accuratè fuisset miser.

O Menandra! at--- quid at? Tu Eugeni Amicum prodis tuum, atque nomen candidum. Scelerum caput! ad ingenium redi; heu me!

Viam

Viam istam ab amore obstipatam video nimis.

Progredere què cœpisti;

Nulla est enim redeundi facultas, aut spes relictâ adeo.

Quid si sic---- Apage, non placet;

Hominem ingenuum ingenui decent mores, --neq;--

Facillimè non recedat amor, ubi tam mansit diu---

Neque hoc--. Audivisti, cor meum; gratias habeo.

Ex cerebro, ô sine matre, Jovis:--- te enim invocabam
tacitus:

Materiam habeo, at rudem adhuc & impolitam:

Quin age Eugeni, architectum te geras probum;---

Euge! maximum jam cadit secamentum illius ictu
consilii---

Nunc perpendiculum applico. ---optimè.---

Jam penè conquadratum est quod volo.---

Omnia fabrè facta sunt, atq; eccum! per tempus venit.

In faciem nunc meam dolor & tristitia convocanda sunt

At perditum me!--- Personâ nil opus:

Nimis istarum artium simulator sum verus.

SCENA VIII.

Eugenius, Aurelius cantans.

VEnite parvi innocentes,
In nummis quorum non sunt mentes,

Ridendo dies hic uratur,

Clamore domus impleatur:

Qui hoc contradicit

A flumine licet

Potare, dum vino nos natamus,

Et carmine læto

Poculôque repleto

Cadentem Solem morti damus.

Eug. Hilaris es; Dii bene vortant: haud equidem
invideo.

Aur. At quid non istud quod sequitur addas etiam?

Minor

Miror magis? Sed nè mirare, mi Eugeni,
Hic dies mihi verè est natalis;

Jam nunc primum incipio vivere. *Eug.* Cur tu cantas
ergò?

Isthoc tempore ploramus plerique omnes, si obstetrici-
bus fides.

Aur. Obstetricibus? commessatrices, placentarum
perniciës,

Nihil sciunt, neque audiunt. Venter non habet aures.
Quid tu tristis, amabò te?

*Tristis es, & felix? sciat hoc Fortuna, caveo:
Ingratum dicet te (male) si scierit.*

Eug. Quòd aliter tibi evenit gaudeo.

Aur. Nostin' tu posticum vestrum aliquando in
xdes spectans Ludovici,

Quod olim pater tuus clavis majusculis obserari jussit?

Eug. Quid de eo? *Aur.* Ad lepidum istud posticu-
lum

Meam ego conveni Menandram modò.

Eug. Et quid illa? *Aur.* Quod pudica, quod ingenua,
Quod fidelis, quod denique virtutum omnium con-
spiratio---

Juravit centies, quòd si mecum vivere non possit,
omnino vivere non velit,

Et mille subituram mortes potius quàm me deseret.

Eug. Actum est de me. *Aur.* Quid hæc sibi vult
aversio,

Atque insolens ejus tristitia? non temerè est.

Eug. Occidisti me. *Aur.* Egon'? *Eug.* Non te
volo, Fortunam innuo,

O Aureli!, nescis tu quam opulenter hodie factus sim
miser.

**Hæc sibi.* *Aur.* Nescio hercle: * at si id est quod suspicor,
Ego te miseriorem propediem, aut Stygio
Nautæ auctiores paulò reddam divitias.

Eug. Postquam pater tuus (ut mercator erat) bono-
rum

Et

Et vitæ naufragium fecit simul,
 Ut semper tibi apud me bene fuerit, non te latere puto;
 Nummum, vestimenta, victum (veniâ patris mei)
 feci,
 Ut non opus erat tibi aliunde quærere;
 Neque ut infimæ sortis virum, sed ut nobilem
 Te tractavi semper, atque sodalem feci meum,
 Quippe quod hæc merita fuerunt tua.

Aur. In memoria habeo. *Eug.* Haud muto factum.

Aur. Gaudeo, atque gratias habeo. *Eug.* Non eò, Aureli mi,

Hoc dico, tibi ut beneficia exprobrarem mea, --- sed ---

Aur. Quin tu uno verbo igitur dic; Quid est quod me velis?

Eug. Aures arrige. *Aur.* Arrexi: hæret adhuc animus.

Eug. Patrem meum Confessorem (utcunque hoc te celavi) adibam modò;

Cujus in aurem omnia ego confessus sum peccata mea;

Quibus omnibus ab ipso (unico excepto) impetravi veniam;

Et id tantum fuisse prædicabat scelus,

Ut ab illo me absolvere non auderet:

Ego statim hominem oro, obtestor, obsecro;

Et sic ægrè tandem precibus atque pecuniâ

Victus, satisfactoriam hanc pœnam indixit mihi.

Aur. Quam sodes? *Eug.* Nimirum, ut Divæ Hal-lensi

Præsens præsentem salutem dicerem;

Ostingentas præterea preces numerarem Dominicas,

Et totidem beatæ Virgini:

Atque nunc haud binæ mihi supersunt horulæ;

Quas tecum, cæterisque transigere licet familiaribus.

Aur. Hercle verò seriò, mi Eugeni, vicissim dolco tuam.

Eug.

Eug. At dolebis, sat scio, magis, ubi quod reliquum est audiveris.

Aur. Quid istud est? expedi. *Eug.* Vetuit insuper, Nè gladium, aut aliud quodcunque telum Per totos tres menses contrectarem quidem.

Aur. Ecquid restat ampliùs? *Eug.* Imò quod pessimum;

Nactus occasionem hanc inimicus quidam meus, Omnium quos unquam Sol vidit ignavissimus, Literis me statim petit ad pugnam provocatoriis; Horam etiam atq; locum designat, mensuramque gladii.

Aur. Deum atque hominum odium! *Eug.* Nunc mi Aureli;

Per amorem illum te atque amicitiam oro,
(Quæ incepta è parvis cum ætate accrevit simul)
Imò per Menandram te obtestor, ut
Honori meo prospectum velis, atque vice meâ
Abs isthac larva umbratili supplicium sumas.

Aur. Impetrâsti, atque abunde mihi
Tibique pœnarum dabit iste, nè dubites.

Eug. Salvus sum : successit commentum ex animi
sententia.

Aur. Quid tûte verò tecum? *Eug.* Hercle quo pacto
possim exprimere,
Quantum de isthoc beneficio tibi debeam, meditabar.

Aur. Aufer mihi ista:

Enimvero triumpho seriò, oblatam esse tandem hanc
occasionem.

* *Hoc sibi* *Eug.* * At ego arreptam esse. *Aur.* -- Ubi fidem tibi
datam liberem.

* *Hoc sibi* *Eug.* * Et ubi Menandrâ te emungam: --- Suavissime
Aureli.

Aur. Charissime Eugeni, eamus intrò, ut adorne-
mur; tu ad iter,

* *Hoc sibi* *Ad pugnam ego.* *Eug.* * In qua peribis basilicé,
Hæc si mihi fida fuerit dextra. *Aur.* Quid ais?

Eug.

Eug. Ut ex utriusque votis succedat, precor, quod suscepimus.

Aur. Pié, & amicé. *Eug.* Admodum. *Aur.* Eamus ergó.

Eug. Hem me pedisequum tibi---* mox perniciem.

* *Ad spe-*
ctatores.

Finis actûs Tertii.



ACTUS QUARTI

SCENA I.

Endomuchus, Felicia, Cotyttia.

End. Atin' personati sumus? *Cotyt.* Sûperque satis:



Sed quid ego? *End.* O formosa nimum:

Præter lepores à cunabulis comedisti
(Opinor) nihil.

Hem Spinturnicium, lepidum
Istum ornatum quàm dedecorat!

At tu, mea lux,

Quid agis? *Fel.* Quod cupio potissimum,
In oculis tuis faciem ubi contemplor meam.

End. Jam si ad parentum aures pervenerit
Rediisse me, téque ex Monasterio aufugisse, satis
Adeptitiis hisce munitos opinor vestibus.

Fel. Dii faxint, mea vita. *End.* Bene ominare modo, meæ deliciæ:

Mulier, vale. Atque fac memineris,

Hac de re quod scis, omnino nescias. *Cotyt.* Memorem mones,

SCENA

SCENA II.

Coryttia, Moniales duæ.

Cot. Bene ambulate : Sed quò ego me jam veste hac ornatam lucidâ?

Mecastor quò, nisi ad lenam Lupam vicinam meam ?
Ubi ego cum alienis viris (clam stipitem meum) consuevi sæpiuscule.

Ibi (uti spero) unum vel alterum amicum inveniam,
Qui lepidam hanc vestem tractabit lepidius:
At ego lepidissimam hanc faciem aëris adversus inclementiam

Muniam prius: sic, sic: at quid hoc? quid quæritant
Hoc Monialium par? Certè enim investigantibus circumspectant similes.

1. *Mon.* Soror, ô Soror. 2. *Mon.* Amabò, quid vis?
Cot. Me etiam inspeçant

Sedulò: fortassis formam mirantur meam. 1. *Mon.* Hæc mulier

Quæ isthuc ambulat, estne Felicia quam quærimus?

2. *Mon.* Mecastor ea videtur. *Coryt.* Mirum ni Feliciæ in quæstione fient

Theophili filia, quæ è Monasterio ad me modò.

1. *Mon.* An dubium tibi est, eam esse hanc?

2. *Mon.* Certè ea est planissimè:

Adeamus, & compellemus. Felicia, amabò, quid hæc à nobis fuga?

Cot. Ariola sum proba, me Feliciam esse autumant,

Quòd ejus ornamenta gero.

2. *Mon.* Quid hæc sibi quærit per urbem vagatio?
Secularia oportet oblivisci omnia,
Postquam mundo longum renunciasti vale.

Cot. Ha, ha, he. Quid ego nunc respondeam, cogito; aut quid faciam.

1. *Mon.* Quid existimas, mea tu? 2. *Mon.* Per-
ecastor

ecastor tam ea est quàm potis.

Cot. Quid si ego sub Feliciæ schemate in Monasterium me nunc deportari sinam?

1. *Mon.* Quid agimus? tam eam esse scio, quàm me loqui.

Cot. Mirus equidem jamdudum me affectus habuit Monialium cognoscendi mores. 2. *Mon.* Quid cessamus intrò abripere,

Nisi sponte remigrarit? *Cot.* Ædepol sicerit.

At quo pacto indè me expediam? quid si ibi me detineant

Vel ingratiis? atque religiosam faciant?

Sed perpol duram istam inveniant provinciam scilicet: Nónne linguam, dentes, & ungues habeo?

Horum ope & præsidio ultro dimittant faxo.

1. *Mon.* Ecce, invocata ad nos pergit.

Cot. Pudet me, charissimæ sorores, factique poenitet; In proposito & promisso quòd non perstiterim meo.

2. *Mon.* Euge, mea Felicia. *Cot.* Et nihil jam Magis quàm reverti in votis habeo.

1. *Mon.* Bona es, facisque adeò quod te decet; nimirum Antistita

Nostra Mārgareta in mandatis dedit nuperrimè,

Ut pompā solenni in nostram recipereris ordinem.

Cot. Ordinem? quæ me in ordinem, ego illam. ---

Ducite.

Exeunt

SCENA III.

Ludovicus, Menandra.

Lud. SED quæ hæ fœminæ?

S Optimè verò. Nunquam ego, Menandra, mandavi tibi,

Nihili istum homuncionem, mendicum, & inopem, (Aurelium volo) ex animo prorsus exterminares tuo?

Sed cœlites me infelicient omnes, nisi poenas mihi dederis,

D

Pervi-

Pervicax & stomachosa fœmina.

(sunt adeo.

Men. Haud ista te decent verba, neque me digna

Lud. Hui. At ego te scire volo,

Penes teipsam non esse te, sed juris mei.

Maritum petis; ego providero; tu alia cura;

Non opus est hac in re operâ aut consilio tuo.

Men. Imò hoc ad me pertinet, neque unquam me
nuptum dari

Sinam, nisi cui bene volo, quique mihi cordi est.

Canos tu tot capillos habes, & ignoras

Quàm odiosæ Diisq; hominibûsq; coactæ sint nuptiæ?

Sed avaritia rationis oculos extinxit tibi.

Lud. O audaciam! nōne frater meus, idēmq; pa-
ter tuus

Meæ solius curæ te credidit & custodiæ?

Men. Credidit, fateor: at non eò (ut autumo)

Quò me odio meo connubio jungeres.

Lud. Oh! per umbram Ptolemæi, quod mulier non
vult,

Id velit cogere, Hercules est labor. Audisti sæpius;

Obtempera nunc, si sapis, non invalidis argumentis
meis.

Men. Argumentis? *Lud.* Oh! per umbram Ptolemæi,

Quanta hæc protervia? fāsne mihi loqui?

Eone Pater ædes, agros, nummósque reliquit tibi,

Ut hominē vaniloquum & nugivendulum istis aleres?

Men. In quem, obsecro, virus hoc tuum evomis?

Lud. In quem, nisi in Aurelium tuum? per Zodiacum,

Mirari nequeo satis, quid sit tandem, quamobrem

Illum deperires. Neque edit, neque potat adeò,

Sed nec vestitur de suo: omnia hæc

Eugenio debet, aliisque malè feriatis adolescentulis,

Quos ille patronos salutat suos, & nihili

Demulcet versiculis, quorum nomine Poeta

(Si diis placet) cluet. Poeta? per Zodiacum,

Hominum mendicabula sunt Poetæ omnes, pestesque
adolescentiæ.

Sapi-

Sapienter itaque meus Plato eos è Republica exterminavit sua.

Men. Est tibi lingua veneno tincta, neque me (mihî crede) later,

Quorsum hæc tendant omnia. At esto;
Non me, sed te hæredem voluit pater, quantum audio.
Morbo me & carnificinæ devoves? Nunquam efficies
Quin ego, quem amo, quémque expetisso unicè,
Illi nubam, haud ditior licèt jam nunc esset,
Quàm ubi primùm hanc lacrymans salutavit lucem.

Lud. O spica virginis!

Men. Ad quid enim divitiæ valent, virtus nisi adsit
atque probitas?

Lud. At ubi gentium est ista quam narras virtus atq;
probitas?

Men. Ubi, rogas? ab illis tu quoniam abhorres,
omnes pariter abhorrere putas.

Lud. O Planetarum odium! maledicit patruo.

Men. Nihil minùs, patrue:

Indignis si maledicitur, maledictum est meo quidem
animo;

Dignis si maledicitur, benedictum id esse duco.

Lud. Eia! per Archimedis cineres, non feram, non
feram, mala merx;

Abscede à foribus, abscede ocyùs à foribus, & ad cœle-
stem,

Ad scelestum potiùs amatorem te recipe postea;
Experire subin ingenio si possit suo ventrem alere:
Lapidin' loquor? Quin moveas satius est:
Enimvero mihi si deorum senatus supplex foret,
Haud exoraret, te ut agnoscam in posterum.

Men. Perplaces jam tandem, optime Patrue;
Gratissimus, si quà aliàs, hic sermo tuus:
Fortunæ non usquè adeò adhæreo, quin vitam inopem
(si necesse fuerit)

Meo cum Aurelio animo lubenti possim agere:

Tu interea loci vale, tuâque insaniâ frueri,
Cum umbra tui Ptolemæi, & Zodiacis.

Lud. O meæ Ephemerides, Ephemerides meæ!
Sed eccum opportunè Euphuem cum Gorgonio.

SCENA IIII.

Ludovicus, Menandra, Euphues, Gorgonius.

Euph. **C**Ontolle gradum, mi discipule, atq; sequere.
Optime Ludovice, salve plurimùm.

Men. Infelix Menandra! quid nunc primùm facies?

Lud. O optatissimi, optatissimi, salvete & vos am-
bo pariter.

Men. Sic erit, introibo, mèque ad fugam adornabo
& exilium.

Lud. Eho Menandra, Menandra, inquam; arbitra-
rin' tu serio

Hæc dixisse me? falsi es animi: enimvero joco omnia:
Neq; unquam mihi in animo erat insigni adeò injuriâ
Te afficere. *Men.* Nihil agis; haud crederem,
Per umbram licèt Ptolemæi tui adjurares.

Lud. Ludis etiam? obsecro verò te, mea tu.

Men. Non, si senatus deorum mihi supplex foret.
Mitte manum, pish. *Gorg.* Magister, magister,
Vin' incipiam cum mira majestite, vel cum sententia
De Heliotropio? *Men.* Amabò, quid me retines?

Euph. Cum ista potius de Heliotropio, si fortè me-
mineris.

Gorg. Viridissima virginum ---- *Men.* Heu me!
Puros putos loquitur lapides. *Gorg.* Viridissima (in-
quum) virginum---

Men. Stolidissime (inquum) hominum,
I domum, & medicum accersè tibi, si sapis,
Qui cerebrum Helleboro excantet tuum:

Exit Me. Hercle verò opus est. *Lud.* Menandra, tibi dico, redi.

Men. Imò tute ad te, Ptolemæi umbra. *Lud.* Phy,
phy, phy, Factum

Factum pessimé, pessimé hercle factum. Phy.
Ego jam cum aceto, imò absque aceto, si adestet,
Caput ejus manderem; tantum mihi bilis atq; stomachi
Commovet hæc scæminarum pervicacissima.

Gorg. Pish, abeat si placet, ego illam nihil moror;
Proximè cum viridissimam virginum salutavero,
Non sic me ludibrio habebit, & despiciatui.

Euph. Quid ex te audio, discipule? quoties ego
dixi tibi,

Quòd non uno constructa fuit Roma die?

Quòd non uno Achillis arma fabricata ictu?

Quòd pictor Nicomachus in effigianda Venere

Quatuor consumpsit annos integros?

Minimé, minimé, Gorgoni; qui cum Hippomene

Metam primò vult attingere, cum Hippomene

Pernicem oportet currere. *Lud.* Haud ædepol unquam
verius

Ipse Tychobrahe: vos verò operam vestram

Mihi date sodes; cò nunc angustiarum adaecti sumus,

Ut dolo nunc aggrediamur necesse est, atque astutiâ.

Gorg. Ego dolos omnes odi, atque astutias.

Euph. S't, tace. *Lud.* Quid si Menandram in ejus
cubiculum

Concludi jubeam? hæ? *Gorg.* Siquidem me cum Me-
nandra

Concludas unâ---. *Euph.* Non taces? *Lud.* Ut quid
factum sit foris,

Illâ omnino nesciat. *Euph.* Quid tum porrò?

Lud. Atque nos interea nuptias simulemus; appara-
tum denique

Instruamus omnem, atque fidicines, quasi veræ fient.

Aderit hic statim lepidus amator ejus,

Qui, unâ cum Eugenio socio suo, os mihi

Sublinere, atque virginem ex ædibus meis eripere

Paritant: at næ illi frustra sudant.

Quid ais, mi future cognate? ecquid hoc commentum
placet?

Gorg. Commentum vocas? si non dolum sapit atque astutiam,

Placet commentum tuum.

Lud. Euge, quid tu autem Euphues? *Euph.* Par-rhasius

Effigiem facturum Helenæ, redimiculum ejus Solutum expressit; & interrogatus ---

Lud. Quid ais? ubi animus tuus? *Euph.* Au, exordium Cujusdam epistolæ meditabar meæ. Quid vis?

Lud. Ecquid laudas commentum meum? *Euph.* Lau-do enim vero ---

Quid est, obsecro? *Gorg.* Annon audisti, magister? Amas pol, opinor. *Lud.* Sequimini me intus.

Exeunt.

Eccum enim Aurelium rivalem tuum!

SCENA V.

Aurelius; Eugenius, quasi peregrè iturus.

Aur. SI obfirmata stat animi sententia, mi Eugeni, vale.

Eug. Aureli, bene vale; at horæ fac memineris, atque loci,

Siquidem ensis hostilis mensuram tenes.

Jam, de te si unquam bene merui, sartum tectum vide Conserve honorem meum. *Aur.* Nisi hæc omnia ---

Eug. Sat habeo.

Vale. O Cupido, quantus es? te furente Pylades Ore-stem odit;

Nisus Euryalo insidias struit-- Amice, semel salve, atq; vale.

Exeunt.

Aur. Mehercle lacrymas propemodum excussit mihi.

SCENA VI.

Aurelius, Ludovicus in porta, Tittus puer ejus.

Lud. Q Uando furcifer? quando? *Puer.* Quid (ma-lum) alas habere me putas?

Ita

Ità non venire, sed volare jubes. *Lud.* Festina, inquam, verbero.

Aur. Hoc quid sit, quod servum festinare tam validè Edicit isthoc silicernium? *Lud.* Dii faxint, hodiernus labor

Nè tibi ærumnam fortè creet seni. *Puer.* Jàmne abeo?

Lud. Quando tibi placuerit, domine. *Pu.* Pol essem utinam.

Extemplo te servum facerem miserrimum.

Sed jam, uti mandatum est, volo; quanquam ubi cogito----

Aur. Ex putrida hac aqua expiscabor nunc ego

Quid sit hoc negoti. *Pu.* Admodum subitæ sunt hæ nuptiæ:

Sed quid refert meâ? ego quò missus properabo.

Aur. Manta paululum.

Quò te tam celeri pede, adolescens? *Pu.* Tuâ quid id refert,

Adulte! mitte me, si sapis, aut ego tibi mittam infortunium

Celere & solidum. *Aur.* Tam sævus? obsecro te.

Pu. Nolo obsecres: aufer mihi blandimenta, nihili facio.

Aur. Vel tantillum mane.

Pu. Quantillum illud? pish, per Deos omnes & singulos,

(Audin'?) mihi si pergis moram injicere, caput diminuat pulchrè tibi,

Si modò dentur lapides in rerum natura. (audio;

Aur. Ab hoc puero cavendum est mihi, ut verba Ità athleticè minitatur. Quid tu tam iracundus, sodes?

Pu. Iracundus? falleris, mi homo; Ego sum iratus.

Iracundus? Ha, ha, he;

Non, non, ego sum infensus. *Aur.* Non taces, ineptule?

Pu. Oh! vin' taceam, atque tibi per signa respondeam? agé.

* Puer
dignis in-
dicat.

* Puer
dignis in-
dicat se
missum
fiducias
accesitū.

* Puer in-
dicat per
signa ite-
rum.

* Hoc sibi

Aur. Quò tu, inquam, missus? *

Aur. Quid hoc? quò, inquam, aut quamobrem missus? *

Aur. Scelus pueri! ludis me, nec respondes? quoties te vis rogem?

Unde aut quò missus? *

Aur. Deum atque hominum! Loquere, aut in æternum faxim taceas.

Pu. Obsecro: non me tacere iussisti dudum?

Vin' simul taceam atque respondeam?

Hoc heri mei Ludovici artem superat,
Qui cum omnibus suis Ptolemæi umbris, Platonis
Rebuspublicis, & Zodiacis nunquam quivit efficere,
Ut quis loquatur simul atque taceat.

Aur. Nequam es; * quid si adblandirer? sic erit.
Deliciæ pueri, hem tibi drachmam! expedi modò
Quid rerum in istis geratur ædibus.

Pu. Videam, videam; oculatæ sunt nostræ manus,
Crédunt quod vident. *Aur.* Et videbis &

Contrectabis etiam, dic modò quod te rogo.

Quid ais? *Pu.* Quid aio? ego scio quod aio:
Isthanc si mihi dederis drachmam, dicam tibi.

Aur. Quid autem diccs? *Pu.* Ego scio quid dixero.

Aur. Malus es; non credes mihi? *Pu.* Quippini?
Cui nemo mortaliū vel unum credet obolum.

Aur. Quàm Delphicè spirat verbero! habe tibi.
Jam effari potes? *Pu.* Non opus est.

Rem omnem nostram accepisti, sat scio, tamen si dissimulas.

Aur. Rem omnem nostram accepisti, sat scio, neque
dissimulo. (scelus.

Sed loquere semel. *Pu.* Ludis me. *Aur.* Imò tu me,

Pu. Quid? nōne tu vocatus? *Aur.* Ad quid, obsecro?

Pu. Ad cœnam scilicet: hai, quàm hilares erimus
Cantando, saltando, potando! dispeream,
Nisi cantharos nostros tractem probè;

O lepidas nuptias! *Aur.* Quas tu mihi nuptias narras?

Pu. Lepidas, inquam, felices, hilares. O Gorgoni,
ni te perditè amem----

Vide sis ligulam, quam mihi dedit sponsus Gorgonius:
Serica est; tange modò. *Aur.* Gorgonius?

nam cui nubet is, obsecro?

Pu. Cui, rogas? nunc iterum dissimulas. Cui, nisi
Menandræ nostræ?

Aur. Quid ego audio? *Pu.* Vale, vale; ego abeo.

Aur. At mane; estne Menandra futura sponsa hodie?

Pu. Tu nescis? *Aur.* Enecas, dic quod te rogo; pro
certon' habes?

Pu. Tūne & ego vivimus, ambulamus, confabula-
mur simul?

Aur. Quid tum? *Pu.* Tam certum est Gorgonium
Menandram

In uxorem ducturum statim. *Aur.* Statim.

Pu. Statim: si per te liceat fidicines accersere.

Aur. Fidicines! tūne fidicines accersis? *Pu.* Rogas
etiam?

Nōne hoc tibi per signa indicavi modò?

Aur. Audin' verò? dic seriò. *Pu.* Vah, vin' dicam
rursus?

Placent tibi quæ dixi, sat scio; audire gestis toties.

In tuam ergò gratiam repetam. Advortas modò ani-
mum.

Hodie peragentur nuptiæ Menandram inter & Gorgo-
nium.

Audin' atque ego puer Ludovici accersitum eo fidici-
nes. Audin'?

Jāme ire licet? *Aur.* Prius non abibis quàm verum
dixeris.

Pu. Pol nisi sinas, ego heri mei lapidem accersam
invisibilem,

Et tum ibo tuis vel ingratis. Jāme mittis?

Exit.

SCENA

SCENA VII.

Aurelius, Ludovicus in fenestra.

Aur. **A** Bi sis, mastigia, quò dignus; neque verum,
neque verisimile dicis.

Menandra perfida? Tripodi hoc non crederem si pro-
nunciasset Delphico. (tando assequi;

Sed quid hic intus moliantur tamen, nequeo satis cogi-

Tot dubia atq; mira verba mihi fecit hic Ludovici puer.

Quid si fores aggrediar? Consilium placet.

Ecquis hic mortalium vivit in ædibus?

Lud. Quis tu es mortalium, nostras qui pultas fores?

Aur. Lumen inter & januam tuam divortium volo.

Lud. Divortium? Ha, ha, he. Salvus sum: sicuti verba
audio,

Veras has credit esse nuptias; divortium enim nominat.

Aur. Quis has pandit fores? *Lud.* An malum tibi
pulsando quæritas,

Adolescens? *Aur.* Non te pulsando quærito, senex;
Optimam ego quæro virginem, virtutum domicilium,
Orbis delicias, Menandram convenire cupio.

Lud. Ha, ha, he. *Aur.* Quid jam?

Lud. Illa cum sponso sese oblectat Gorgonio.

Sed quid tu hodie mihi molestus es, atque adeò convi-
vis meis?

Quoties ego ædibus hisce meis interdixi tibi, (tuam

Atque tibi uxorem mandavi quærites? stultitiam nunc

Atque amorem compendiface, nisi vis malum tibi

A marito eius dari postea. Ha, ha, he.---

Eho Gorgoni, Euphues, ehodum ad me, citò, citò:

Videte, quæso, statum hominis. *Euph.* Ha, ha, he.

Gor. Ha, ha, he. *Lud.* Quàm placet hoc spectacu-
lum!

Laqueos meditatur, scio. At vereor nè non satis dives
Isthoc qui pereat mortis genere. (siet

Jube illum, mi Gorgoni, præcipitium petat,

Si

Si ad restim comparandum non sit pecunia.

Aur. Veræn' hæc fuere voces, an per somnium accepi omnia?

Verx? ah nimium veræ: nihil hinc somniorum uspiam:
Vigilem te, Aureli, senex vigil risu excepit & dicturiis;
Triumphat Gorgonius, tuis potitus amoribus.

— *Varium & mutabile semper*

Fœmina---- ô divinum oraculum!

Mixturam nimirum lepidam, quam nos ita misere desperimus homunculi:

Cui, quam Diis ipsis, litamus sæpius: oculos syderum
Insignimus nomine: Genæ (si Diis placet) rosis æmulæ
atque liliis:

Labia, cerasa: crines, catenæ aureæ: manus, calida nix,
Molle ebur: sagittæ Cupidinis, digiti.

Superos, inferos! quam pulchre hæc virum decent!

Sed quid moror? quin hunc fugiam locum in perpetuum,

Et plagam adeo omnem ubicunq; fœmina fixit pedem. *Exit.*

Lud. Ha, ha, he. Commento hoc ipse mihi videor
planè rejuvenescere.

Ha, ha, he. -- *Varium & mutabile semper Fœmina--*

Et plagam omnem ubicunque fœmina fixit pedem---

Ha, ha, he.

Eat nunc, & meum rideat lapidem invisibilem.

Sed quis hinc? pendeam, nisi unus è Patronis ejus,

Quem is misit invisere quam rem agamus.

Quicquid est, ego me intus, & occludam fores.

Exit.

SCENA VIII.

Tricongio solus.

HOc si sit splendide vestiri, & generosorum more vivere;

Sim ego sanè Tricongio semper in posterum.

Atque equidem Tricongio sum, jam sat scio, vestes hæc
licet Alie-

Alienum me à meipso fecerint hodie. At ego pulchrè gratiam

Referam; istas à me alienas vicissim faciam; etenim E vestigio vendam, emptorem quamprimum conveniam.

Miretur posthac vulgus (per me licet) pretiosas vestes atque nitidas;

Ego meo malo didici satius esse mediocriter vestiri: Minimum quidem abfuerat, quin hæ vestes me hodie in carcerem compegissent.

Ægrè suturem effugeram vestiarius: Quin ecce, calcearius

Me revocat; atque, Philaute, inquit, est mihi opus præfenti pecuniâ;

Scis etiam quoties me frustratus sis. Nondum ille finierat,

Quin pallio meprehendit caligarius: atque paucis, inquit, te,

Magister Philaute, volo, nisi tibi molestum fiet.

Elapsus est jamdudum dies, ex quo nomen è tabulis

Tuum expediturum pollicitus; nōsti etiam probè

Me non omnium esse flagitatorum molestissimum.

Hujus dum excrucior eloquentiâ, eccum togatum panarium,

Qui eandem quoque canit cantilenam; sed sævior multò cæteris;

Diem is mihi dicit. Ego, inquit, promissâ tua nihil moror;

Aut mihi redde meum, aut—Tu conjicito cætera.

Quid multis? hos subsequuntur myropolæ,

Pharmacopolæ, pætivenduli; rogant hi, (stibus,

Flagitant illi, quasi thesaurus in his absconderetur ve-

Ubi nè argenti quidem libellam reperire queo.

Ego, ubi nec in manibus nec in lingua auxilii quid esse perspicio,

Pedibus salutem quaero. Sed quid si altera ingrueret tempestas?

Feli-

Felicitèr quidem isthuc tibi in mentē venit, Tricongio.

Pro in optimum est, ut vela contraham:

* Tu linteum capitale descende, descende, nihil audio; * *Ponit
galerum,*

Ægrè sat scio, à capite divelleris; descende verò. *Penulā,*
Etiam * tu, quæ tam humaniter tractantibus operam * *(tui,*
præbuiſti tuam:

* Tu etiam, Domini vindex bellissime, atq; protector * *Gladiū,*

Qui tam lepidè hodie tot crabrones irritasti mihi, vale.

Ego ad Cotyttiam meam nudus redibo potius,

Quàm irato creditorum pelago tenuem hanc iterum
committam ratem.

Apagite à me, splendide vestes omnes, apagite in ma-
lam crucem.

Ecce autem annulum, neque prævideram; quid tu hîc
pendes ineptule?

Ego pol locum lepidiorem inveniam tibi.

Sanctuarium capeſſe, capeſſe, inquam, sanctuarium:

Ego nunc jam stomachi virtute struthiocamelum ante-
ibo mei:

Ille siquidem ferrum tantum concoquere valeat,

At ego metallum solidius oppidò:

Annulum hunc etenim quamprimum aurum faciam
potabile.

Atque hem opportunè emptorem (uti spero) mihi!

*Annulum
alloquitur
ad pectus
pendentem*

SCENA IX.

Tricongio, Tabellarius.

Tab. **U**T ego oculis rationem capio, non procul sum
à Tricongionis ædibus.

Tric. Ha! me quærit hic homo, quantum audio:
In malam rem; Tabellarius est, qui è portu literas
quotidie.

Heus tabellarie, ecquas ad me habes literas?

Tab. Nam quis tu es, si Diis placet? Tric. Quem
tu nominasti modò; Tricongio.

Tab.

Tab. Tricongio? quantum mutatus! quid tibi, quæso, in istis debetur vestibus?

Tric. Debetur, rogas? ulcus jam tangis; nam ego ex lictorum ungulis

Nuperrimè jam elapsus sum. *Tab.* Quid velis non intelligo;

Sed hem tibi literas! *Tric.* A quo verò?

Tab. Tute hinc narrato tibi. *Tric.* Mane dum perlegero.

Legit Tricongio.

Tab. Non est quod moneas; nam ego mercedem expecto.

Tric. Lepidas ædepol literas, quas nostro etiam mox communicabo sodalitis;

Sed ad lenam Lupam me conferam prius: nam, nè quid dissimulem,

Nescio quid insolitum in hisce sentio vestibus, quod me isthuc rapit.

Sic erit per Jovem: Lupa (sat scio) quamprimum conspexerit

Vestes, atque annulum, lepidæ alicujus puellæ mihi copiam faciet,

Quâcum me oblectem. Tabellarie, vale.

Tab. Vale? istoccine verbum satis esse mercedis putas?

Tric. Vah! insipiens, quasi nos non norimus nos inter nos.

Proximo die Martis rescribam; literas tum tu accersere meas,

Exit Tricongio.

Et duplam mercedem accipies. Credes? *Tab.* Bene ambulato.

Ædepol est hic Tricongio homo perpaucorum hominum;

Prodit Co- synia.

Tristem nunquam videas, uxor nisi adsit ejus.

Sed quænam illæc avis, quam è Monasterio exeuntem video?

Bella perpol; quàm vellem, per negotia liceret, adire

Et

Et colloqui! Sed properandum est alió.

Cot. Haud ædepol Sibyllæ folium verius, quàm ego modó.

*Exit Ta-
bellarius.*

Ha, ha, he. Lepidè quidem & fervidè religiosam
Me invenère candidæ Sorores meæ; nam ad preces, &
Aquam benedictam meâ deventum est operâ.

*Prodit
Lupa.*

Sed éstne hæc Lupa vicina mea?

Lup. Ha, ha, he. Jam si Cotyttiam conveniam---

Cot. Ipsa est, atq; me quærit. *Lupa.* *Lup.* Quis me?

Cot. Cotyttiam si vis, gradum siste: Ego isti labori
finem imponam tuo.

Lup. Dii me! quid istas tu vestes? *Cot.* Au, dicam
postea; Ha, ha, he.

Potin' tu conjicere ubi ego fuerim modó? *Lup.* Domi
fortalsis.

Cot. Domi? imò ex Monasterio hoc jam nunc venio.

Lup. Nam quid tu in isto sancto loco, si Diis placet?

Cot. Ubi tam miras & sacrosanctas vidi ineptias,
Ut vel virginem Amstelodamensem, si videret, in illa-
rum cogant ordinem.

Primum me *novæ sponsæ* salutant nomine,
Atque cæremoniis nescio quibus, & choro religioso
Me ad Antistitam ducunt suam. Atque illa, Mea filia,
inquit,

Tu fortè, quia à mundo abalienatur vita nostra,
A mundi deliciis alienam omnino puras, insipiens:
At bono es animo; hîc oblectamenta invenies,
Quæ nobis vel invidet seculum: atque ideo à profanis
vulgi

Semovemus oculis--- Quid opus verbis? Inter virgines
Non omnia virginea. Ego, ubi illarum moribus plena
sim,

Tantum linguâ meâ cieo turbinem, ut novam sponsam
suam (dam

Dimittant ultro, & ad tempestatem istam componen-
Fratrem statim accersant Nicolaum, Neptunum quem
Tam

Tam præsentem habent, ut manifestaria res sit,
Non procul illum ab alicujus illarum latitasse cubiculo.

Lup. Lepida mecastor fabula : at finas, obsecro,
aliam tibi narrem historiam,

Hac tuâ haud multò infestivorem. Tricongio tuus
jam apud me est,

Nescio quibus nitidis vestibus ornatus; atque is mani-
bus pedibûsque

Scortum quærit. *Cot.* O verbero, duc me ad illum, ob-
secro.

Lup. At mane dum reliquum audiveris: Neque puel-
la jam mediocriter

Formosa, sed nec ornata adeò illi placeat.

Cot. O mea Lupa, diutius te loqui non sinam;
Verba dum facimus, res perit nostra.

Lup. Nimis præpropera es : ego te huc quæsitum
veni, quò ludos

Illum faciamus; auscultes ergò, tu mecum ibis.

An ille has novit vestes, quas tu geris?

Cot. Nihil minús, mea Lupa; neque quomodo ego
istas nacta sim.

Lup. Optimè; te ergò in hoc velo ad illum deducam,
tanquam

Modestam, & tyronem in arte meretricia.

Cot. Tyronem dicis? inveniet me peritam plùs fatís.

Lup. At vide nè te ipsam prodas. *Cot.* Simulabo, nè
dubites, graphicé.

Lup. Velo faciem usquè obduces; hoc enim mode-
stix dicam esse tuæ.

Exiunt.

Cot. Ha, ha, he. Commentum festivissimum. Eamus.

Finis Actûs quarti.

ACTUS



ACTUS QUINTI

SCENA I.

*Leonhardus senex; Dippus ejus servus,
& Rufanus; Tittus Ludovici puer.*

Leon.



Eu! omnes in alienis miseriis quàm
iniqui sumus judices!

Nobis ubi semel Fortuna reflet, tum
demum

Aliorum reapse miseremur sortem. Tu ad Philautum
filium

Mincre n(ah! quid dixi? minorem? heu! vereor unicum)

Ad Philautum, inquam, quem in carcerem conjectum
audio,

Argentum hoc defer, unde se captum redimat.

Sed nihil tu quicquam adhuc de Endomucho?

*Exit Ru.
sanus.*

Dip. Prorsus nihil. *Leon.* Ah! capital fecisti, Dippe.

Dip. Quamobrem, obsecro? *Leon.* Quia herum
tuum de te

Semper merentem optimè, isthoc enccâsti verbo, Nihil
prorsus.

Dip. Dii meliora. *Leon.* At ignosco tibi humanè
factum; nimium

Jam multa perpeffus sum mala, quæ vitæ me

Jamdudum saturârunt meæ; lubens deinceps morior.

Dip. At obsecro, here, animum nè despondeas.

Leon. Ah! nullum habeo quem despondeam;

Filium perdididi, & cum filio animum simul.

Dip. At here, si per te liceat, consilium tibi dederò,
In rem quod erit tuam. *Leon.* Ah! omne nunc consili-
um serum;

E

Noli

Noli operam perdere: Ipsa si Salus cum Diis cæteris,
Qui rebus humanis favent maximè, senatum convoca-
rent consiliarium, (pe.

Haud servare queant: periit filius; & ego unà perii, Dip.

Dip. At dicam sine. Leon. Siquidem molestum esse
certum sit tibi,

Expedi.

Dip. Nunquàmne Ludovici nomen, here, auditum
tibi?

Leon. Nescio; certè non novi hominem. Dip. Non?
mirum est:

Eum siquidem omnium, qui vivunt, Astrologorum
principem

Pervulgavit fama. Leon. Fama sæpe mendax; porro
autem.

Dip. Ille, ubi ubi sit Endomuchus, sive apud supe-
ros, sive inferos,

Quoque pacto perierit, te certiore faciet illico.

Leon. Oh! si vera memorares mihi, quicquid me fie-
ret, adirem præpes.

Dip. S't, here, here, eccum ipsum Ludovici puerum.

Prodit
Titus.

Tit. In malam rem fidicines omnes: totam fermè
emensus sum urbem, sudans

Et anhelans in eorum quæstione, neque uspiam inve-
nio tamen.

Sed eccos quos perconter. Dip. Here, compellato
priusquam abeat.

Leon. Heus puer, potin' tu nobis cum hero tuo col-
loquendi copiam facere?

Tit. Heus senex, potin' tu mihi fidicines conveni-
endi copiam facere?

Leon. Aufer, si me ames, ridicularia;
Neque ludos, neque ludibria casus nostri ferunt.

Dip. Patiare here; nequam est hic puer, sed hero
suo maximè in deliciis.

Leon. Dic mihi sodes, int'usne herus tuus? Tit. Oh!
intimus; sed mihi, Non

Non tibi, quisquis es. *Dip.* Obsecro, Titte mi, mitte
jocos.

Tit. Oh! Dippe mi, tunc hinc eras? hiccine senex he-
rus tuus?

Dip. Est, & herum tuum convertum cupit.

Tit. Heus senex, dic serio, tunc herum meum con-
ventum cupis?

Leon. Dixi, puer; odio mihi sunt ambages hæ;
Aut semel dic, aut semper tace. O Endomuche!

Tit. Dippe mi, quid tristis adeo est herus tuus? num
quid illi accidit infortunii?

Dip. Maximum, Titte; Filium perdidit quem ama-
vit unicé.

Tit. Et ego fidicines, quos quæsi sedulo.

Leon. Scelus pueri, nil tibi canities hæc, nil fors
acerba curæ?

Dip. Sine te exorem, Titte mi. *Tit.* Quid exora-
tum vis, Dippe mi?

Dip. Herus ut quamprimum commonstres ubi sit
tuus.

Tit. Commonstrem, fatne? commonstrem? quasi
te fugeret,

Herum meum esse invisibilem? lapidem in ore gestat,
asine,

Quo invisibilis ambulat. *Leon.* Pergin' molestus esse?

Tit. Certè vos estis mihi. Sed ego senex, tu filium
quæris?

Leon. Tenes. *Tit.* Et ego fidicines,--- verum si he-
rum vis meum,

Hem tibi ædes. Dippe mi, vale, & valerudinem heri tui.
Cura diligenter. *Leon.* Abiit furcifer?

Næ tu servus frugi es, qui hujusmodi tibi sodales cogis.

Dip. Here, eccum ipsum Ludovicum.

SCENA II.

Leonhardus, Dippus, Ludovicus.

Lud. **S**Atin' ego sum infelix, cui nihil quod ago succedit prosperé?

Ità pervicax ista virguncula contumaciâ suâ
Mea conturbavit consilia. simulavi modò nuptias, ratus
Amatorem hoc modo divelli potuisse facillimé; has
Aurelius

Eousq; pro veris habet, ut penè insaniat invidus;
Hanc rem omnem ubi rescivit Menandra, contumeliis
me statim

Onerat indignissimis; atque è domo sese proripiens
subitò,

Amatorem per urbem nunc quærit suum, illi ut renunciet

Haud veras esse has, quas mentitus, nuptias.

Leon. Senex, salve. *Lud.* Quis me salvere jubet?

Leon. Miser. *Lud.* Ædepol (isthuc uti nomen obtinet)

Eo tibi met ipsi magis est opus, tu quod aliis impertis
prodigus;

Atque si nihil aliud vis, ego te salvere pariter & valere
jubeo.

Leon. Mane, precor; aliud est. *Lud.* Quin tu paucis
expedi,

Si quid opus. *Leon.* Primum omnium occidi.

Lud. Imò hoc potiùs postremum est omnium.

Sed quid id refert meâ, utrùm tu vel vivas, vel pereas?

Leon. Homo es, humani à te nihil alienum puta.

Lud. Haud puto equidem, ubi, dum aliis studeo, meo
non advorsor commodo.

Leon. Attende modò. Major meus filius, adolescens,
si quis alius,

Ad summa natus, mihi periit nuperrimé;

Nam quid non periisse autumem, quem mortalium
nemo est,

Qui

Qui per decem hos dies viderit uspiam,
Aut quid de eo sit factum indicare queat:
Ad te igitur unicum civitatis oraculum supplex venio,
Tuum imploro consilium, artem atque operam expectis-
tisso tuam.

Lud. Um, bene. Quid me vis facere?

Leon. Nempe ut ex incerto dimittas certum, meo
quid acciderit filio:

Ut, si vivat, locum teneam; sin aliter (quod vereor,
Heu vereor nimis) mortis quo perierit genere, quâve
manu.

Lud. Um, quo verò die tuas reliquit ædes primulúm?

Leon. Die Martis ad vesperam? *Lud.* Die Martis ad
vesperam?

Infelix hercle dies, atque inauspicata hora:

Quid illi nomen? *Leon.* Endomuchus.

Lud. Latet aliquid in hoc nomine. Quot annos natus?

Leon. Viginti & duos. *Lud.* Et ducs? præfagiunt &
isti duo aliquid.

Leon. Jam si tu quid opitulari possis, aut velis adeó,
Clientem invenies te haud nactum, ingratus qui fiet.

Lud. An nomen tuum licet percontarier, Domine?

Leon. Licet: Leonhardus vocor. *Lud.* Leonhardus?
optimum

Ædepol nomen. Ego per aliquot annos, in istius no-
minis

Collegio operam dedi literis, & nunc (Diis gratias)
Ad istarum perveni apicem. At quâ parte urbis habi-
tas, precor?

Leon. Juxta templum ad lævam Sancti Bartho-
lomæi.

Lud. Sancti Bartholomæi? Sancti pol magni no-
minis:

Temporis aliquod, ad hoc negotium exigendum
opus est.

Citra horam ad minimum apud te ero.

Interca vale, atque bonum animum habe.

Leon. At vide nè in expectatione fies. *Lud.* Nolo:
potin' ut abeas?

Exeunt
Leon. &
Dipo.

SCENA III.

Ludovicus solus.

A Bierunt? certè aliqua est felicitas, res ubi deest,
Vel umbram saltem retinere scientiæ,
Atque doctum haberi, ubi doctum esse non licet.
Quid de illius factum sit porcello, juxtà cum Anthonio
Porcorum divo scio.
Sed nominis mihi causâ comminiscendum est aliquid--
Gratias tibi, gratias, canum caput;
Meritò quidem tibi pendeant argenteæ comæ:
Nos senes nihil scimus, nihil revera: insipidi sumus,
Stolidi, insulsi. At ego te, adolescens, qui
Me tam lepidè in riscum reposuisti modò,
Atque cognatam tam acriter ambis meam,
Stultum, insanum, vecordem efficiam hodie.
Ad hunc enim Leonhardum quamprimum per posticum
corripiam viam,
Et filium ejus clanculum ab Aurelio
Fuisse interemptum dicam confidenter satis,
Atque hujus facinoris testes Euphuem & Gorgonium
adducam unâ;
Quod factum dabunt, sat scio, illius odio, & persuasum
impulsi meo.
Dii me; nisi ego te, subsannator, ulciscar probè.
Atque eccum! Ha, ha, he!

Exit.

SCENA IIIL

Aurelius solus.

Isthæc prostibula est stella, atque illæ, atque hæc re-
vera.

Hui!

Hui! quàm lucet Ariadnes corona!

Ἰδὲ δὲ καὶ πῶς Ἰγλαίῃς τὴν γαργυρῆς θυγατέρα,

Καὶ ὁ πάντων γαλοῖότατον τὸ κυνίδιον αὐτῆς.

Nè tristitiâ (puto) afficeretur puella,

Si in cœlo catellam non haberet suam.

Non est cœlum quod video, sed lupanarium;

Tam undique refertum est meretricibus. Euge Juno,

Deam te vindicâsti in ista septentrionali bellua:

Sed quid hoc, aut unde? ædepol mortalitatem haud

sonat;

*Musica
sonat in
Lupa
adibus,*

---Angelicé: cedo mihi senem, capularem, Acherunticū,

Ultra Medeam, herbarūque virtutes---hoc tantū
audiat---

--istud--vel Nestoris, absque hernia, numerabit annos.

Divine senex! auritus tu-- Qui non est Pythagorista,

Illum genuit ignorantia, atque error nutrit.--

Quàm athleticè laborat Saturnus! Quis unquam

Putâisset algentem istum tantum potesse nebulonem?

---Optimé--Gradive Pater: tu Doricè omnia--

Malè peream, nisi te medullitus, Mercuri---

Quàm lucidum isthuc intervallum! nimium

Jam vellem aures totus fiam.

Cœlestium habitacula! plures (puto) variant modulos,

Quàm sunt scrupula in circulo obliquo.

At nihil usquè adhuc de Jove audio; fortassè dormit
ille,

Vel cum pocillatore suo surreptitio Trojano inter mo-
ratur oscula.---

---Lucet hoc mihi. Menandram aspexit, & in isto

Perfectionis orbe, tam negotiosos habet oculos,

Ut manus officium dememinerint. Et habeat

Junonem, spero, adulterii ultricem probam. ---citha-
ram accepi---

Phœbus est. At mirum non vocem interesse. Quid si
ego

Cantiunculam quandam edam? faciam.

Horrore & silentio
 Ut tuam in perpetuo,
 Ubi vespertilio,
 Corvus fatalis, Bubo,
 Cum his Lupus & Leo
 In nostra habitabunt domo:
 Nec unquam Solem videbo;
 Vivam, vivam, vivam,
 Silentio, silentio, silentio.

SCENA V.

Aurelius, Menandra.

Aur. **E**UGE! Venus reliquit Sphæram. Salve Cytherea.

At fallor. Lunam video, inconstantiam enim in vultu lego.

Men. Ipsus est. O Aureli -- quid me fugis, amabo? heu me!

Quam incompotè se gerit! ut scintillant oculi!
 Quid tu tam torvè Menandram tuam?

Aur. Meam? odio mihi es: viperam conspicio.

Men. Imò quæ te magis quàm seipsam amat. *Aur.* O perfidiam mulieris! (lateat?

Nónne Menandræ est tibi nomen? *Men.* Quasi hoc te

Aur. At responde. *Men.* Non nego. *Aur.* Bene est. Et nónne senex quidam, qui Ludovicus audit, patruus tuus est?

Men. Non nego. *Aur.* Admodum; & nónne Menandram istam,

Sterquilinium hominis-- (illum Dii omnes perduint: Prudens naturâ me pecus nominare noluit) Gorgonius? Nónne ille gratiarum nepos Menandram istam in uxorem duxit hodie?

Men. Hoc nego. *Aur.* Negas? Supreme Jupiter, Vosque omnes qui Nectar sorbendo assiduos dies ducitis, Facite

Facite modò, ut quod reliquum est vitæ transigam
Ubi nulla compareat fœmina, & fiam omnium ho-
minum

Quantum est miserorum miserrimus. *Men.* Nempe hoc
Est amare? *Aur.* Lacrymatur? Quorsum hæ lacry-
mæ, mulier?

Men. Hoc qui rogat, illum scire oportet.

Aur. Inter amplas fortunas te collocavit bellus iste
custos tuus:

In utrumque nunc dormias oculum licet.
At meos avertam, nè me inficiat Canidia.

SCENA. VI.

Eugenius personatus, Aurelius, Menandra.

Eug. Jam appropinquat, nisi fallor, hora, in qua ini-
micum suum

Hic Aurelio prædixeram fore; atque adsum equidem.
Sed quodnam hoc spectaculum?

Aut parùm possunt oculi, aut ipsum conspikor:

At quænam hæc ad lævam plorabunda statua?

Menandra? quid tu ploras, formosa? istas pelle nubes,
Cœlestis Virgo, ut oculorum sydera atro reluceant
mundo.

Aur. Cui nempe veneficæ hanc artem debes?

An fortè de ruta aliquid portas?

Eug. Quam artem tu mihi narras? aut quid ego ru-
tam portem?

Aur. Quia Basiliscum tam audacter, & salvus tra-
ctitas.

Hanc enim contra serpentem herbam istam multùm
potesse audiui:

Si humanitatem sapias, vel tantillum istius plantæ bene-
dictæ impertias mihi:

Multoties enim cum istiusmodi serpentibus intercedit
negotium.

Eug. Ludit:

Eug. Ludit: cantet faxo aliter.
Sed differendus est amor, dum hoc è medio tollam ob-
staculum:

Nostin' tu in urbe hac quendam Eugenium?

Aur. Novi. *Eug.* Tum perjurum novisti, scelestum,
ignavum, facerrimum.

At fortassis tu hic stas ab illo missus. *Aur.* Asto,
Et magno tuo malo: non hæc inulta auferes, maledicta.

*Stringunt
gladios &
pugnant.
Primo
impetu
patescit.
Fus Eu-
genius.*

Eug. Pugnemus igitur—

Men. Heu me, heu, ohime, heu---

Eug. Quid cunctaris, timide? *Aur.* Eugeni. *Eug.* Aut
pugna, aut morere.

Aur. Siquidem hæc moriar manu, munus erit.

Eug. Haud verba moror---

Men. O Eugeni, tun' eras? quorsum, obsecro, hæc
concertatio?

Eug. --Pusillanimis. *Men.* Me infelicem!--Per ami-
citiam

Vestram, per vobis quicquid charum; Eugeni,
Per oculos tuos, aut si quid istis charius--

Eug. Imò quod in oculis habeo.

Men. Iram pone tuam, & causas profer iracundiæ.

Aur. Quin cedo, amicule: Quid est quod te malè
habet,

Amicissimo tibi Aurelio quod inconciliat?

Aut quorsum hanc personam induis?

Inimicum hic expecto tuum. *Eug.* Quantum tu linguâ
polleas scio,

Ad manus jam deventum est. *Aur.* Furorem mitte.

Eug. Quin tu Menandræ amorem mitte. *Men.* O
Iuperi!

Hujus ego mali Helena? *Aur.* Hoccine est?

Eug. Est, & amorem istum ex corde, hoc
Ferro abigam, tuo. *Aur.* Ob isthuc argumentum
Recondas mecum gladium. *Eug.* In viscera tua---

Men. Eugeni, Aureli. *Aur.* Mea vita, anime mi, da
manum sodes; Quod

Quod exultes dicam: quid renuis? *Eug.* Eloquere.

Aur. Menandram habeas tibi: in illam jus omne tibi dedo meum.

Eug. O spem insperatam! ô verè amicum! Menandra mea?

Men. Abstine manus. *Aur.* Atque audin', Eugeni? hac de præda tua

Nè superbias, siquidem inibi minima pars restat tibi.

Gorgonius.—*Eug.* Quid is? *Aur.* Illam in uxorem

Duxit. *Eug.* Quid audio? *Aur.* Medusam conspexit.

O spem insperatam! ô insipidos amatorcules!

Quin ad bellissimum tuum sponsum pede fausto.

Men. Neminem ego sponsum habeo, neque extra te habebo adeo;

Fallaciam contechnatus est hanc patruus meus,

Nuptias simulans, te ut absterret in perpetuum.

Eug. Quænam hæc ænigmata? *Aur.* Vera loquitur?

Men. Per hoc suavium mentiri nescio. *Eug.* Hæ? expergiscere, Eugeni.

Aur. Juramentum aliud, aut non credam. *Men.* Centum potius.

Aur. O me beatum! *Eug.* O te perfidum!—

Aur. Quid hoc?

Men. Heu me infortunium foeminae, quid agitis?

Eheu! cheu! opem ferte populares.

Exit
Menand.

SCENA VII.

Aurelius, Eugenius, Menandra, Leonhardus,
Conquisitores 3.

Leon. **S**Equimini: sed quodnam hoc spectaculum?
ocyus

Aggredimini, atque hanc pugnam dirimite.--

Aur. Quid hoc? *Leon.* Hoc quid sit? hiccine est Eugenius inimici mei filius?

Unde inter hos ortum est odium? *Aur.* Odiosa genera
hominum, Mittite

Mittite me. *Eug.* Abstinet manus, mastigiæ.

Leon. Eugeni, furorem siste tuum.

Tuum licet oderim patrem, charus tu mihi tamen hoc nomine, (deo.

Quod huic monstro hominis te inimicum factum vi-

Aur. Senex, non scire licet

Quid hic sibi velit inhumanus impetus? *Leon.* Sciveris mox tuo malo,

Homicida. *Aur.* Homicida? *Eug.* Homicida? *Leon.* Quin abripitis.

Men. Ahime, quid hi sibi volunt homines?

Redit in scenam Menand. Oh mi Aureli! quò meum vos? ô feritatem! at te Aureli, Quocunque, tamen nunquam deferam. (reli,

Exeunt conquistorum cum Aurelio. Sequitur Menand. *Leon.* Mirari noli, Eugeni, quòd hunc quondam sodalem tuum hoc modo

Abreptum vides:

Si scires quàm capitale designaverit facinus,

Misereri potiùs quàm mirari luberet tibi:

Endomuchum meum nôsti? *Eug.* Quippini? arque amavi unicé,

Te licet inter & patrem meum iræ jamdudum incaluerint acerrimæ.

Leon. Ah Eugeni! peremptus is est; morior dum hoc tibi memoro.

Eug. Peremptus? siquidem vera prædicas, non diu soror mea superstes erit Felicia.

Sed quis tantum ausus scelus? *Leon.* Qui quondam tibi intimus,

Jam tibi, uti videtur (certè mihi) inimicissimus, Aurelius.

Eug. Aurelius? *Leon.* Ipfus. Sed ego ad Senatum propero,

Exit. Et nisi terras reliquit æquitas, nunquam inultus moriar.

Eug. Quàm miris modis Fortuna ludos mortales facit!

Neque aliud quicquam hæc vita mihi videtur, quàm miseriarum vicissitudo perpetua.

Quantum

Quantum ego bonum & beatitudinem adeò duxi primulum,

Aurelii hujus amicitiam & consuetudinem!

At heu! quanti mihi reperi mali fontem & infortunii!

Auspicem veluti voluntatis erga me suæ & benevolentiae,

Longam mihi historiam narrat de Menandra, amoribusque suis;

Quantus & quam mutuus inter illos amor, quantaque votorum conspiratio:

Comitem porrò toties me, si quando illam viseret,

Adhibuitque participem consiliarium,

Ut ego primum venustatem, pulchritudinemque mirari virginis,

Animi celsitudinem venerari postea,

Et ad extremum deperire incipio miser.

Reluctor primò, & in pectore diu condo, ratus tempore

Flammam istam exstingui posse funditus.

At ecce, eò exarsit vehementius. Quid opus verbis,
ubi Aurelio superstitie

Nullam mihi spem reliquam video potiundi amoribus?

Id ago, scilicet illum ut è medio tollam; quam licet
ansam

Conquisitorum intempestivus hic interventus atque
imperus

Præripuerit mihi; si vera tamen sunt quæ Leonhardus
autumat,

(Quod ægrè credo, siquidem jam primus audio:)

Non est omnino quòd desperes, Eugeni. Atque ecce,
Menandra redit.

SCENA VIII.

Eugenius, Menandra.

Eug. **Q**uanta verò cum majestate! Euge! tales Ven-
nus

Interempto

Interempto puero gerebat vultus; Diana tales:

At haud juxta cum his adblandientes tamen.

Venusta stella---- *Men.* Nam quis tu es homo?

Eug. Nullus, si irata mihi: sin propitia, omnium felicissimus.

Men. Quasi tu diceres te me amare? *Eug.* Apage isthuc Quasi.

Men. Tum per amorem istum, si modò sit uspiam gentium amor,

Duo hac abs te impetrata feram, obsecro.

Eug. Spondeo, quæcunque sint; tu modò quæ sint loquere.

Men. At nè renuas vereor, ubi sciveris. *Eug.* Per

Veneres omnes atque Cupidines,

Imò per hoc exemplar naturæ, quod frustra exprimere

Sataget in posterum, sanctè juro Menandræ nihil

Negaturum, nisi vires superet servi ejus Eugenî.

Men. Auscultes ergò. Primùm, nè verbum unquam mihi facias posthac.

Eug. Quid audio? *Men.* Promissi memor esto.

Eug. O me omnium miserrimum!

Ut nunquam Menandram alloquar? hoc est in æternum ut mutus siem;

Ut extemplo moriar.

Men. Nihil intelligo. Quin accipe reliquum. Ad Aurelium me ducas protinus.

Deos enim Deasque testor omnes, oculos, quos jam claudio, reclusuram nunquam

Ad eum donec veniam. *Eug.* O superi!

Beneficia, planissimè, quæ mihi hætenus misistis, mala,

Præ quàm quibus nunc adobruor. *Men.* Liberasne fidem datam?

Eug. Hem libero.--- *Tit.* Hæc atque illac--- sed quos ego video?

Eug. Millies peribo potius, quàm habebor votifragus; At aliò ducturum modò sperabam miser.

Tit. Abiere.

SCEN.

*Claudit
oculos
Menam.
Intrat
Titus.*

Exeunt.

SCENA IX.

*Titus puer, Tricongio, Coryttia, Lupa,
fidicines, Luma.*

Tit. **D**ii boni, quàm inauspicatum herus Menan-
dræ nuptiis destinavit diem !

Ædepol Heracliti hic natalis est; ità fidicines

Ad unum, opinor, omnes hac urbe exulant.

Sed quid illic ?

Tric. Cura, mea bellissima Lupa, pallium & gla-
dius isthic apud te

Serventur integra; ut si fortè repignorandi posthac con-
tingat copia,

(Quod haud unquam credo futurum tamen) eàdem
munditie,

Et nitore, ad dominum revertantur suum. Atq; audin?

Mea deliciarum plenitudo, cœnam nobis lautam & opi-
param

Te curare volo. *Lup.* Curabitur probè, nè dubites; at
Coryttia parata manu.

Tric. Agite fidicines, tortores ilium,
Intestinatorum vexatio; parcentes ego dextras odi.

Tit. Euge tandem, tandem, Ha, ha, he! --- hoc est *Saltam
Tric. &
Coryttia,*
verè vivere;

Dii me, nisi ego hosce nebulones ad nostras deducam
nuptias,

Artem tam fabrè callent suam.

Tric. Oh! ut ego uxorem meam, ubi hoc lepidissi-
mum corpusculum amplector, odi malé !

Apage hanc velatam faciem. *Lup.* Sine modó:

Nónne prædixi pudibundam eam esse plùs satís ?

Tric. At non diu erit, spero.

Tit. Ha? si aures ego meas fidos satís habeo nuncios
mihi,

Tricongionis vocem ex ista vestiarii officina accepi
modó;

Atque

Atque perecastor is est. Sed vestes quomodo ille has?
Atque eccas meretrices etiam uná.

Tric. At mea Lupa, fac tandem exuat hanc nimiam
modestiam.

Tit. Meus is homo est; minitabor hæc omnia Co-
tyttia me facturum palám,
Nisi fidicines mecum sponte abire sinet.

Cot. Diutiùs abstinere nequeo: --- *Ut ego Cotitty am
odi malé?*

Lup. Pejora audies, si tacueris. *Cot.* Mea Lupa, im-
petrâsti.

Lup. Facilior paulò est quàm antea. *Cot.* Imò lon-
gè sævior.

Tric. Agite fidicines. *Tit.* Oh, Tricongio.

Tric. Sistite. *Tit.* *Ut ego uxorem meam, ubi lepidum
hoc corpusculum---*

Tric. Perii: quí huc (malúm) hic irrepsit puer?

Tit. *Apage à te hanc velatam faciam.* *Tric.* Obse-
cro, mea Lupa,

Funditus interii, nisi nequam hunc puerum
Aliquid demereamur. *Tit.* Nisi hoc resciscat Cotyttia.

Cot. Ha, ha, he.

Tric. Audin' quid minitetur? *Lup.* Quid vis faci-
am? *Tric.* Adblandiamur sodes.

Titte mi, tunc hinc eras? Vin' tibi bene esse, mea vo-
luptas?

Tit. Certè malè tibi. *Tric.* Vin' nobiscum saltare, mi
lepidule?

Tit. Tibi verò quid obtigit, quòd tam hilaris es?
An fortè tu & Cotyttia tua rediistis in gratiam?

Tric. Ah! nè verbum quæso de Cotyttia, si me ames;
hem tibi

Quæ mille superat Cotyttias. *Cotyt.* Et nisi ego te su-
perem---

Lup. S't tace. *Tric.* At cave nè hæc tu effutias, mi
festivissime Titte.

Tit.

Tit. Imò verò hæc omnia quamprimum sciat faxo,
nisi (duxero.

Hos, quos vocas tortores ilium, mecum statim ab-

Tric. Ah, quæso nè faxis; nam quid tu illis facturus?

Tit. Quid rogitas? nuptiæ apud nos celebrantur
hodie,

Ludovici mei Menandram inter & Gorgonium.

Ibunt mecum? an ego ad uxorem tuam ivero,

Atque hæc illi? *Tric.* Ah, quidvis potiùs: saltemus
tamen

Priusquam auferas. *Tit.* Quicum verò? *Tric.* Cum
utavis harum

Tibi quæ placuerit maximè. *Tit.* Humanè. Sed quid
hæc sibi

Quærit cum velo? *Tric.* Oh, præ modestia obvelat
faciem.

Tit. Præ modestia? insigne pol argumentum mo-
destiæ,

In lupanari conspici: non, non; latet aliquid quod non
patet;

Non mihi placet. *Tric.* Proin sit illa mea, tu cape Lu-
pam.

Tit. Hui! Lupam vocas? elephantem diceres. Ipse
si adesset Orpheus,

Tantam terræ molem haud movere queat.

Tric. Experire modò, nostri quid possint Orphei.

Tit. Quid ais, venustissima virguncula? *Lup.* Ludis
me, furcifer?

Tric. Sine, quæso; mos gerendus est, nè ille hæc
uxori meæ.

Quin tu, meæ deliciæ, exue tandem hanc modestiam;
saltemus, saltemus.

Tit. Tūque, ocelle mi, pone quoque hanc nimiam
verecundiam; saltemus, saltemus.

Tric. Si me ames, nè nega. *Lup.* Quando ità vis,
fiat. *Tric.* Agite.

Sakaz.

F

Tit.

Tit. Euge, quàm mihi quadrat ! at heus , oscula si
velis, (gin'?

Proboſcide me tuâ tollas oportet ad labella. *Lup.* Per-

*Saltant
item.*

Tit. Imò pergamus pariter.---

Sat, sat, Tricongio: subita sunt mihi negotia.

Tric. Paulisper porrò sodes. *Tit.* Nè tantillum.

Tric. Si ità sit necesse, vale. Vobis etiam abire licet;
Siquidem mercedem accepistis intus. At, Titte, vide,
Nè fidem fallas, & hæc Cotyttiæ. *Tit.* Sat est.

Potin' tu tacere? eamus, mei tortores ilium,

Intestinatorum vexatio; vèstra vos vexate ilia,

Exat.

Atque ego vicissim meas vexabo tibus. Sequimini me.

Tric. Quin agè meum suavium, nunc soli fumus;
tandem

In amore mihi responde mutuó; pish, nondum?

Tu fortassis quoniam est mihi uxor domi---

** Ad spe.
statores.*

Cotyt. * At tu mox senties tibi non esse uxorem
domi.

Tric. Te non esse cordi mihi suspicaris; fatin' habes
Si illam abjurem, & diris devoveam---Ah, quò te?

Cotyt. Ferre diutius nequeo. *Lup.* Vel pauxillum.

Tric. O meum corculum, hem tibi suavium;---
Rosas pol & violas spirant labella tua.

--Cotyttia? Sterquilinium fœminæ. *Lup.* S't.

Tric. Cotyttia? quàm illud nomen olet malé! foh!

Cotyttia? *Lup.* S't.

Tric. Dic mihi, nōne amas me formosula?

Cotyt. O perditè!

Tric. O vocem cœlestem! mène amas perditè? atque
etiam amplecti gestis?

** Ad spe.
statores.*

Cotyt. Mox videbis quàm te amplecti gestiam---ubi
baculum sumpsero.

Tric. Ah! videte quid vestes possint. Mox? O cœle-
stem vocem!

Ego mox videbo quàm me amplecti gestiat. *Cotyt.* Imò
statim.

Tric.

Tric. O cœlestem supérque vocem! ego statim?
 Per Jovem uxorem ego meam *Cotyttiam* veneno
 Statim interimam, & te uxorem ducam, mea *Venus*:
Cotyttia? rabida canis. *Coty.* Amplius abstinere ne-
 queo, *Lupa*.

Cotyttia
 & *Lupa*
 clam ri-
 dent inter

Tric. Quid dixit? amplius abstinere nequeo?
 Amplius abstinere nequit, quin me amplectatur;
 Id voluit, fat scio, quin me amplectatur amplius absti-
 nere nequit:

O cœlestem super supérque vocem! *Cotyttia*? vah!
 Dentes illi carbones, labia corium, olet ab unguiculo
 Usque ad capillum summum--haud stercorarium sua-
 vius. Sat habes?

Coty. Imò, & tu mox habebis satis. *Tric.* Ah! mox
 ego habebo satis?

Quin ponas itaque hanc nubem, ponas itaque, mea
Luna,

Atque isthoc splendore tuo fac tuus vigilet *Endymion*.

Coty. Impetrâsti, *Endymion*. *Tric.* Oh! quid nunc
 faciam?

Deposit
 larvam
Cotyttia.

Coty. Hem! dormis, *Endymion*? evigiles faxo. *Lupa*,
 cedo mihi.

Vapulat
Tricong.

Lup. Ha, ha, he. *Coty.* Egon' sterquilinium, ver-
 bero?

Exit *Lup*.

Egon' rabida canis? hem tibi; egon' stercorarium oleo?
 Dentes mihi carbones, scelus? *Luma*, mea *Luma*, tuam
 opem.

Tric. Eheu! quid faciam? optimum est
 Ut ad Diabolum me retro recipiam protinam.

Fugit.

Coty. Quousque? *Lum.* Ubi est, amabó?

Coty. Oh! aufugit furcifer? at ego sequar, & perse-
 quar adeó:

Mea *Luma*, eamus. *Lum.* S't. *Coty.* Quid vis?

Lum. Prodit, ecce, Senatus. *Coty.* Nam quid hoc
 negoti?

Lum. Revertamur intus, donec hi pertranseunt.

Exeunt.

SCENA X.

*Theophilus, 2. Senatores, Leonhardus; Aurelius,
ligatis manibus; Conquistores, Ludovicus,
Euphues, Gorgonius, Notarius.*

Lud. **A**T vereor nè non confidenter satis. *Eup.* Vah,
ut non satis

Confidenter Euphues? *Lud.* Etiam tu Gorgoni?

Gorg. Etiam dubitas? Quòd verum dixit magister
Euphues,

Jurabit discipulus Gorgonius.

1. *Sen.* An jusjurandum præstitère accusatores?
Not. Factum.

2. *Sen.* Facta est ergò iis loquendi libertas.

1. *Sen.* Te, Leonharde, quia juvenis occisi pater,
primas habere

Partes decet; loquere. *Leon.* Quid ego dicam, Patres?

Quidve possim adeò? cui tam dubia

Cœna hodie apposita est mali.

At si uno verbo accipietis omnia, Filium habui.

Lud. Iste, quem homicida crudeliter spoliavit vitâ.

Theop. At pace tuâ, Ludovice, nostræ haud sinunt
leges quæquam

Intestatum condemnarier. *Leon.* Imò amicitiam tuam
Expertus sum sæpius antehac, & nunc, quantum potes,
inveniam scio.

Theop. Veritas, ubicunque est, Leonharde, mea est;
Ego neq; te moror, neque istum; justitiæ patronus sum:
Si per testes jam vestros hic jacebit reus,

Causam haud dico, quin, quod meritis est, accipiat;
Sin verò insons, vestrà solùm delatus invidiâ, nos decet,
Penes quos innocentes est à malevolis defendere,
Hujus à vobis famam & vitam vindicare simul.

Leon. Doctissimi hujus viri in meam partem appel-
lo artem.

Theo. Ain' tu, Ludovice, filium hujus ab Aurelio
interemptum esse, Et

Et hoc per artem te novisse tuam? *Lud.* Aio.

Theop. Quid tu, Aureli? *Aur.* Hoc; In muscarum
Repubblica

Digni sunt qui judicent, in re capitali, impostori huic
Qui fidem adhibent, & scientiarum opprobrio.

Lud. Nónne prædixi hoc? merum est convitiorum
horreum.

At mitto artem, testes potiùs produco meos.

Theop. Ubi sunt isti, quos memoras testes? videre
gestio.

Ego in hoc Ludovico imposturam metuo, Patres;
Neque artem istam (quam jactitabat) dubiam,
Satis ad hanc rem confirmandam judico;
Siquidem adolescentem ingenux indolis & humanæ
semper novi.

Lud. Mihi credite, nihil est. Hem vobis, Patres,
Qui ficarium hunc inter pocula hoc effurientem audi-
vère facinus.

Theop. An jusjurandum illi? *Not.* Jamdudum.

Lud. Loquere, loquere.

Euph. Audivi. 1. *Sen.* Quid audivisti? *Euph.* Au-
relium hunc

De morte filii hujus Leonhardi inter pocula exultan-
tem scilicet.

Lud. Gorgoni, Gorgoni, Menandram in uxorem
duces; nè dubites.

2. *Sen.* Quid tu? *Gorg.* Idem quod Magister meus:
Nam ego cum illo audiui uná. *Lud.* Quàm veré!

Oh! optimé! optimé! *Aur.* Oh! quàm vellem! ---

Patres, si quid vita mea vobis erit commodi (tam parvi
ego istam pendo)

Hic sponte (Deos testor omnes) impertio lubens.

Leon. Euge! quàm liberalis! illud dones quod juris
est rui.

Aur. Crudelis senex! quem occidis, eidem & occidi
velle permitte dicere.

Facilis quidem petitio hæc. *Theo.* Quin sine, Leonharde; æquum postulat.

Aur. Ego, Patres, hic adsto vestrum in conspectu omnium.

Homicidii reus, at falsis convictus testibus,
Non veritate, aut conscientia mea;
Quippe invidus iste & avarus senex,
Me inter & Menandram neptem suam
Divortium ut faciat, hoc commentus est scelus;
Atque ad hanc rem hæc duo scelerata capita
Testes hujus conflavit facinoris.

SCENA XI.

Intrant Eugenius & Menandra ad cæteros prædictos.

Men. **V**Ocem ejus audio: salve iterum lux: Aureli: Patres---

Aur. Ha! ah! hoc uno plus vixi die quam par fuit.

Men. Quid ego innocentem hunc manibus hic ligatis video?

Quin solvi jubetis, meque, quæ merita sum, in vincla conjicitis?

Ego hujus senis filium interfeci impia,
Eccam vobis hanc quæ peribat manum!

Atque hoc omne hunc insontem clam perpetravi Aurelium.

Aur. Sydera natalia! quantum isthoc nomine vobis debeo,

Quod Menandræ ante mortem benefaciendi copiam præbuisistis mihi!

Valeat innocentia, & nominis candor superstitis;

Hujus facinoris haud conscius licet, ore tamen proprio moriar,

Potius meæ quam Menandræ vel fama tantillum periclitetur.

Patres, nolite credere, obsecro, miscellæ foeminæ;

Solus

Solus feci ego; Quin in cruciatus, Leonharde?
Ego filium interfeci tuum, & interfecisse gaudeo.

1. *Sen.* Mira hæc sunt; sed quid iste sibi quærit peregrinus?

SCENA XII.

*Ad prædictos intrant, Palinurus, Endomuchus
& Felicia personati.*

Pal. **P**otin' ut taceas? ego de hac re pleno sapio pectore.

Quod velint, quodque meriti, huic senatui celeberrimo:
Potin' aliquis vestrum commonstrare mihi, Leonhardus & Theophilus ubi sint?

The. Possum id ego, quisquis es. *Pal.* Tum istos ambos mihi

Obviâ ire volo, atque, ut æquum est, peregrè venientem

Salutare, & ad cœnam vocare. *Theo.* Qui, obsecro?

Pal. Quia collubitum est mihi; quia Medæ artem mecum

Nunc adduco, quâ repubuit Æson.

Tanta ego illos onerabo lætitiâ. Sed ubi sunt? aut ostendite, aut ego abeo.

Leon. Imò mane: quænam ista lætitia est, quâ me oneraturum prædicas?

Pal. Nimirum tun' illorum unus? *Leon.* Tenes; Leonhardus sum.

Pal. Nempe tu filium perdidisti? *Leon.* Habes.

Pal. Imò tu habes, vel habeas faxim. *Leon.* Quid?

Pal. Filium tuum scilicet, quem tu te perdidisti autumas: vivit.

Leon. Vivit? *Lud.* Phy, phy, phy! quid me fiet, hic si Vera memorat? *Pal.* Vivit; at manta, dum scni

Alteri (cujus potissimum in gratiam huc veni hodie)

Animum expleam gaudio. Ubi Theophilus? *Theo.* Hem tibi.

Pal. Tun' filiam olim perdidisti quadrimulam?

Theop. Perdidi.

Pal. Eia; canum istud caput haud decent mendacia.
Non perdidisti, inventa est. *Theop.* Quid audio?

Leon. At responde, Endomuchusne vivit meus?

Pal. Molestus es.

Nónne dixi? atque auditin'? Nihil expectetis amplius,

Neque tuus ubi sit filius, neque filia tu';

Nisi hoc unum à vobis prius impetratum feram.

Leon. Impera, & si ego abnuam, peream indignissimé.

Theop. Et ego Ludovici victus invidia. *Pal.* Satis habeo.

Hos duos amatores hîc apud vos connubio stabili

Vestra bona cum venia jungi volo,

Quod mutuum parentum odium apud suos prohibuit hactenus.

Leon. Apage: quin fortunas tecum dividam jube.

Pal. Imò de mercede vestrum sit arbitrium postea.

Facite modè quod jubeo. *Theo.* At nostræ non est hoc Potestatis, mi homo. *Pal.* At ego nihil amplius, nisi quod

Possitis, postulo. *Leon.* Quicquid in me est, spondeo.

Theop. Et idem ego. *Pal.* At ego juretis faxo prius--

Leon. Per superos omnes. *Theop.* Atque sanctos.

Pal. * Hem tibi filium!

Leon. Ha! *Fel.* Et tibi Feliciam! *End.* Mi pater--

Lud. Oh! quid ego nunc faciam? desperi planissimé,

Nisi in lapidè meo mihi quid auxilii fiet:

Ubi est? Au, ego hîc *adstabo invisibilis.

Leon. Endomuchus? *Theop.* Felicia? Sancta Catharina,

Quomodo tu ex Monasterio profuga? aut quid tu in istius

Canis amplexu prostibulum? *Men.* O superi! quàm justi estis?

Leon.

* Subtra-
hit larvâ

Endomu-
cho &
Felic.

* Lapidè

in ore po-
nit, &

angulum

petit (uti
putat) in-

visibilis.

Leon. Endomuche? vix oculis credo meis. *Eug.* Quæ hæc nova

Rerum facies? iterum perii. *Theop.* Quin istam pelli-
cem

Mitte tuam, nequissimi patris fili pessime.

Fel. At, mi pater, sinas obsecro cum Endomucho vivam, aut emoriar jubeas.

Theo. Terræ filia. *1. Sen.* Sine, Theophile. *Eup.* Heu me!

Gorg. Magister, magister, hic si sit Endomuchus, imposuit

Nobis Ludovicus pulchré. *Leon.* O festum diem hominis!

Endomuche? *Theop.* Nihil audio. *Leon.* Quid tu, mi Fili, istam tam arctè complecteris fœminam? apage Odiosam inimici mei prolem. *End.* Eâdem operâ, mi pater,

Luci valedicam jube. *Fel.* Et me vitæ.

Pal. Theophile--- *Men.* Quem ego video? Pali-
norum olim patris

Mei servum Antwerpia? is est. *Pal.* Ego nunc Aurum operam mihi dedas volo: Filia ubi sit tua, quæ olim

Tibi surrepta est quadrimula, audire gestis an non?

Theop. Quàm maximè. *Pal.* Atque audin? nunquam scibis, nisi alteram

Hanc filiam huic homini in uxorem des prius. Dixi.

Tu, Leonharde, promissi sis memor tui.

Aur. Quàm vario aspectu Fortuna res intuetur mortalium!

2. Sen. Leonharde. *1. Sen.* Theophile. *Pal.* Atq; *De pace suadent.*

Mei hallucinantur oculi) ipsam Menandram Philarchi olim

Heri mei filiam supposititiam. Euge, ipsa est.

Men. O mea lux. *Lud.* Non me vident, spero;

O præclarum lapidem! 1. *Sen.* Sic; atque omnia odia vestra

* *Dat fili-*
am Endo-
mucho.
 * *Ample-*
ctitur
Theophil.
 Ponite. *Theo.* Atque ex animo; * specimen accipite.
Leen. Ecce, * in amore tibi respondeo.
Theo. Sed, ô patrone mi, ubi est filia mea Maria?
Pal. Sitne Maria, necne, haud scio; certè filia haud procul est.

Menandra salve. *Men.* O salve *Palinure*,
 Ubi tu ætatem, postquam mortuus est pater meus?

Pal. Hercle, quod dici solet, *Hic & ubique.* Sed manum tuam, obsecro.

Vin' te felicem faciam? *Men.* Fecisti, *Palinure*,
 Tuâ quando operâ liberatus est *Aurelius*.

Pal. At ego te etiam liberabo. Senex, tuam etiam manum.

Theo. Quid itâ? *Pal.* Quia ego jubeo; dabin' an non? tene hanc virginem.

Theo. Egon' virginem? *Pal.* Tu, inquam *Theo.* Nam quare?

Pal. Quia ego jubeo. Jam habes quam quæris filiam.

Theo. Quomodo? Sanun' es? *Pal.* Imò & sobrius.

Anne tu *Theophilus*? *Theo.* Sum. *Pal.* Et nōnne filia

Tibi olim nundinis autumnalibus surrepta est

Quadrimula? *Theo.* Factum. *Pal.* Hem restitutam.

Lud. Haud dubium jam est, quin ego etiam ad restitutionem cogar.

Theo. Verùm audi. Mea si sit hæc, paulò supra brachii dextri exitum

(oportet:

Quasi crucis figuram ardenti purpurâ expressam habeat
 Quam nos armillis obumbravimus.

Pal. Ego nihil moror cruces, neque figuras: pristinam agnosco formam.

Men. Dii me servassent! salve pater; hem tibi quam memoras notam.

Theo. O Sancti omnes! ipsissima est. O notam beatissimam,
 Quæ

Quæ summum infortunium prælagire videbatur primulum!

Sed heus tu; paucis te, quæso, expedi; Meam hanc quis surripuit?

Quove pacto tibi innotuit? *Pal.* Accipe paucissimis. Philarchus mercator Antwerpiensis olim herus meus fuit;

Is huc mercatum venit, atq; me secum adduxit unâ;
Finitis negotiis, navem petentibus, fortè fortunâ, tua
Hæc plorabunda fit nobis obviâ, & ad patrem, inquit,

Vos obsecro, ducite. Quærentibus quid illi nomen,
Theophilus respondet sciula. Ibi herus formam
Atque indolem contemplans virginis,
Adblanditur, & ad patrem ducturum pollicetur illico:
Navem conscendimus, & cum virgine
Vento secundo Antwerpiam appellimus;

Ubi herus (utpote illiberis) hanc educit pro sua, &
Menandræ nomen indidit;

Moriensque decem post annos hæredem instituit.

Lud. Jam tua res agitur, Ludovice; utinam hic tam mutus fuisset,

Quàm ego (ut spero) invisibilis!

Pal. Atque fratris sui Ludovici (urbis hujus incolæ) curæ & tutelæ credidit.

Theop. Tu verò, mea salus, cur me tam serò hoc beâsti nuncio?

Pal. Men' rogas? Prædones potius istos roga nefarios,

Qui me huc adnavigantem statim post mortem heri, tibi ut hæc

Renunciem, intercipiunt,

Et annos quinque integros captivum detinent.

Theoph. Indignum hercle facinus; Sed tu quo pacto tandem liberatus?

Pal. Ædepol cœlitus; Siquidem hi, quos dixi, prædones
In

In navem cujusdam Mercatoris Londinensis facientes
impetum,

Opimam indè captantes prædam, id quod Dii volunt,
capiuntur ipsi.

Quo factò, perhumanè quidem victores Angli nos di-
mittunt liberos.

Gorg. Magister, magister, aut doce hunc hominem
elegantius loqui,

Aut abeamus. *Eup.* Liceret utinam, mi discipule.

Pal. Quamprimum arenam salutaveram, huc con-
tendo protinam;

Et percontanti ubi habitaret Theophilus, fortè hic
occurrit juvenis

Cum amica hac sua, qui me vicissim sciscitantur unde
sim,

Et quid cum illo mihi sit negoti. Usque adeò utriusque
Mihi placebat comitas, ut universam hanc, tu quam

Accepisti, ipsis edictabam historiam.

Nondum finieram, quin rumor ad portum delatus est,

Ab Aurelio quodam Endomuchum fuisse confossum,

Et de eo Senatum sententiam laturum hodie:

Hic illi, O hominum, inquiunt, quantum terra tenet,
exoptatissime!

Miserrimum hoc par felicissimum facere in tua situm
est manu:

Atque hic amores suos, ærumnas, & angustias prædi-
cant;

Ipsis etiam in animo fuisse patriam statim relinquere,
Sèque suásque fortunas Neptuno credere:

Nec causas celant, nimirum mutuum inter parentes
odium,

Quos me solum posse, aiunt, in gratiam redigere,

Atque eâdem operâ à pœna judiciorum innocentiam
liberare.

Polliceor operam; quo pacto hoc fiat doceant modò:

Docent; huc nos properamus quantum possumus.

Theo.

The. Diutius me continere
Nequeo; salve multum, exoptata filia.
Conquisitor, duc intro protinam
Hunc hominem commodissimum,
Vino etiam generosissimo victuque saburrato optimo.

Pal. Festivum hercle senem. *The.* Quin sororem
amplecteris, Eugeni?--Mea Maria.

Men. Mi pater. *Eug.* Sororem? ha? *Aur.* Me felici-
cem! quid audio?

Lud. O quam tremo! O mi charissime lapis, sis tu
mihi fidus, adjuro te.

Vera hæc sunt omnia. *Eug.* Mea soror, salve;
Quam à me fuisse amatam vel ipse tuus ignoscet Au-
relius.

2. *Sen.* Quin liberatis captivum istum innocentem?

Eug. Mi Aureli,

Felix esto. *Aur.* Eugeni mi. *Eug.* Hem tibi finem
odii

Nostri; Menandra soror mihi inventa est, & uxor tibi.

Theo. Sed ubi scelus iste Ludovicus, qui tanta hodie
Tam confidenter commentus est mala?

Lud. Oh! jam tandem ubi sim rogitant. O præcla-
rum lapidem!

Ha, ha, he.

Theo. Paternis jam satis indultum est affectibus;
judices agamus.

1. *Sen.* Quin coram adducitis tria ista perjura capita?

Conq. Audin' cognomentum tuum? quin prodis?

Lud. Nam quem hic alloquitur?

Súmne ego visibilis? *The.* Quousque? *Eug.* Quem
quæris, pater, nullus est hic Ludovicus.

Lud. Euge! *Conq.* At ego aliquem teneo Ludovico
haud dissimilem.

Gorg. Magister, magister, quid ego dicam, ubi etiam
me evocârint?

Euph. Sic; Si quid est in me ingenii, judices.

Gorg.

Gorg. In me ingenii, judices. 1. *Sen.* Aureli, accusatorem hîc fiste tuum.

Aur. Agè, mitte artem tuam; atque testes profer tuos fidelissimos.

The. Ludovice, quid tergiverfariſ? *Lud.* Peſſime lapis, Quàm tu me. frustratus es hodie!

1. *Sen.* Satis nobis conſtat te eſſe horum ſclerum caput.

Malitia tua te, tu Leonhardum perpuliſti, Aurelium / homicidii

Ut reum peragat. *Lud.* In malam crucem, lapis perfide; Faliſſimæ Ephemerides! inanis Ptolemæi umbra! ne- quicquam, uti

Jam video, vos invocavi toties. *The.* Quid viſ? Clariora ſunt omnia, quàm quæ negare poſſis.

1. *Sen.* Quin feramus ſententiam.

2. *Sen.* Loquere tu, Theophile; tibi enim omnia permiſimus,

Te quoniam hæc res ſpectat præcipuè.

Lud. Quid me nunc fiet? *The.* Imò vos etiam.

1. *Sen.* Proin tu incipe.

Theo. Cenuſ univerſuſ conſiſcatur tuuſ.

1. *Sen.* Quem noſ Menandræ ſive Mariæ addicimus.

Theo. Atque ego illam tibi, Aureli. *Aur.* O verè diem!

Theo. Quin uxorem amplecteriſ? *Aur.* Atque vitam ſinuſ.

Men. O ſuperòſ, juſtiſſimoſ innocentiaſ vindiceſ!

Gorg. Audin' magiſter? quid nobiſ nunc fiat metuo.

Euph. Rectè, mi diſcipule; Ubi proximuſ ardet Ucalegon,

Producunt Tibi proſpicias tempuſ eſt. *The.* Producite reliquòſ.

Euph. Te magiſtrum caremoniarum eſſe aiunt, atque verba vendere:

An mendacia & perjuria vendiſ etiam?

Euph. Bona veſtra cum veniſ, patreſ, veſtram non latet ſcientiam, Quod

Quod de duobus parvis scribitur animalculis---

1. *Sen.* Quorsum hæc? *Euph.* Habet & musca sple-

nem, & formicæ sua
Bilis inest. 2. *Sen.* Mitte has ineptias, atque ad rem

redi.
Euph. Patientiam vestram quæso: non semel sed

sæpius
Aurelius hic ludos me fecit, & ludibrium publicum.

The. Sat intelligo:

Ille te ludos, & tu illum ludo morti, quantum in te
est, objicis.

Siccine? 1. *Sen.* Proin nos seriò maleficium insigne
tuum

Exilio mulctamus; velis remisque in patriam tuam
Angliam renaviga.

Ludum tuum cæremoniarum in hac urbe non fere-
mus diutiùs.

The. Pœnam pol meritis imparem! *Aur.* At pace
vestrâ sufficiat tamen.

2. *Sen.* Vide quantum Aurelio debeas. *Theo.* Jam *Exeunt*
quid tu hujus *Conquis.*
Discipule lepidissime? *cum Euph.*

1. *Sen.* Probus ædepol discipulus; nam jurare didi-
cit in verba Magistri.

Quid ais? *Gorg.* Si quid est (nónne sic Magister?) si
quid est

In me ingenii, Judices, *The.* Ha, ha, he. *Gorg.* Ma-
gister, quid

Sequitur? Si quid est in me ingenii, Judices,--

1. *Sen.* Quod sentimus plùs satis quàm sit exiguum.

Gorg. In malam rem, deseruit me Magister.

Eug. At pace vestrâ, Patres, liceat mihi hujus pœnam
deprecari; & nisi vobis

Aliter visum fuerit, pœnæ loco sit

Inter cœnandum (hilariores ut simus)

Quascunque à Magistro didicit, repetat cæremonias:

Tibicinis instar erit.

1. *Sen.*

1. *Sen.* Mihi placet equidem. 2. *Sen.* Et mihi. *Th.* Fiat.
Lud. At obsecro vos, canitiem communem spectate:
 mendicitati me adjudicatis.

Theo. Mendicitati? An non artem habes, quæ te
 ditare etiam poterit?

Lud. Oh! mitte artem meam; destituit ars mea me
 planissimè. (boni,

Leon. Vel meâ causâ, Patres, cui tot hodie obtigère
 Commeruerit licèt, nè sit undequaque miser.

End. Et utriusque etiam nostrûm gratiâ, de summo
 jure pauxillum detrahite.

2. *Sen.* Nam quid itâ? quid ille vobis boni? *End.* Oh,
 summi.

Ejus enim operâ, sed & fortunæ pariter, in Monaste-
 rium

Meam ad Feliciam asportabar prosperè. *The.* Nam
 quomodo fodes?

Fel. Intus, mi Pater, hoc in cœna audies; nimis
 longa est historia,

Quæ hîc narretur. *The.* Proin' vestrûm omnium gratiâ,
 Hoc illi indultum volumus. Aureli. *Aur.* Patres.

The. Vin' tu hunc ad te recipere, atque ex tuo,
 (Nempe tuo jam) in posterum alere? *Aur.* Fiet lu-
 bentissimè, (cupio.

Id si velitis. Ecquid ampliùs? *Lud.* Imò nihil ampliùs

Aur. Salve ergò, mi charissime patre. *Lud.* An hoc
 ex animo?

Aur. Dubitas etiam? *Lud.* Menandra, tun' etiam
 in gratiam?

Theo. Agè filia, nè renuas. *Men.* Hem me dicto au-
 dientem, pater.

Lud. Sat habeo. Vale Ptolemæi umbra; valet
 Zodiaci, & lapides invisibiles omnes.

Theo. Sed tempus est, ut nos intrò recipiamus, ad
 geminas has celebrandas

Nuptias; eamus omnes ad me--Sed quid hîc tumultûs?

Quid

Quid sibi hi lictores quærunt? Eugeni. *Eug.* Pater.

Theo. Dum nos hoc quodcunque sit negoti excutiamus, tu hos ad me;

Atque pro dignitate accipe: jube etiam nè in mora coena fiet.

Sequimini sodes, Leonharde, Endomuche, Aureli: tunc; etiam Ludovice, & Gorgoni.

Exeunt
Leon. Endom. Fel. Aur. Men. Lud. Gorg.

SCENA XIII.

Tricongio, Philautus, Lictores, ad Senatores & Theophilum intrant.

1. *Sen.* **E** Stne hic Tricongio Bibliopola? Ipsus est.

2. *Sen.* Quid hoc rei est?

Tric. Obsecro vos, quò me rapitis? quid ego commerui, aut peccavi miser?

Lict. Extemplo scies. *Phil.* Tenétin? videte nè aufugiat,

Dum ego causam meam apud Senatum exponam.

Theo. Atque hic etiam Philautus Leonhardi filius, an non?

2. *Sen.* Philaute, si quid nos vis, in pauca conferas.

Phil. Verbo accipite, Patres; suffuratus est hic homo vestes meas mihi.

Tric. Atque ille etiam, si placet, vicissim meas mihi.

2. *Sen.* Quid hoc?

1. *Sen.* Fortasse madidus est, uti solet, Tricongio.

Theo. Profer ergò testes, Philaute. *Phil.* Non opus est: percontamini, quæso,

Cujus istæ sint vestes quibus ille indutus est. *Tric.* Vicissim percontamini

Etiam, cujus istæ quibus ille indutus est. *The.* Hilarem pol controversiam!

1. *Sen.* Atque dubiam! 2. *Sen.* Discutiamus ergò: Tricongio, vestes istæ,

Tu quas geris, quem sibi vendicant dominum?

Tric. Nescio:

G

A

At hoc scio, vestes istas, quas ille gerit, me sibi vendicare dominum.

Theo. Quid tu, Philaute, respondes? *Phil.* Idem quod ille;

Cujus hæ sint vestes nescio: at istas meas esse Satis certò scio. 1. *Sen.* Unde tu tuas habuisti vestes, Tricongio?

Tric. Nescio. *The.* Unde aut ubi tu illas, Philaute?

Phil. Pariter nescio. 1. *Sen.* Hui, causam inauditam!

2. *Sen.* Responde semel, Philaute; quando tu tuas habuisti vestes?

Phil. Hesternâ nocte. *Theo.* Quando tu tuas?

Tric. Isto quoque tempore.

1. *Sen.* Ubi vosmet lecto commisistis? *Tric.* Profectò omnino ego non ibam cubitum.

Phil. Neque ego. *Theo.* Miraculum planissimè; ut neutrum ad cubitum iret,

Et uterque vestes perderet.

*Intrat
Eugen.*

Eug. Pater, cœna corrumpitur, & convivæ te jamdudum expectant tui.

Theo. Eugeni, nòstin' tu hos? *Eug.* Ha, ha, he!

Theo. Quid rides? *Eug.* Ha, ha, he! ignoscas pater, abstinere nequeo; Ha, ha, he!

Theo. Tandem verò ausculta; Lis huc defertur, quam nos

Non sumus componendo. *Eug.* Ha!--at ego, si placet, Componam facillimè. 2. *Sen.* Imò difficillimè; tot referta

Est ænigmatibus. *Eug.* Vah! Ego Oedipus ero, nè dubiteris.

Sinite modò, Aurelium ut huc foras evocem, atque Cassionem meum. *Tric.* S't Eugeni, Eugeni: in malam rem;

Abiit: Quid te nunc fiet, Tricongio?

Atque eccum! redit in auxilium, uti spero, meum.

Eug. Aureli, viden'?

Aur.

Aur. Ha, ha, he! Cassio, viden' tu etiam? ha--!

Cass. Ω Ζῆυ, video enimvero vitulos meos. *Tric.* Eugeni, Eugeni, Eugeni S't.

Eug. Audiamus jam, si placet, ænigmaticam hanc controversiam.

Theo. Uterque utrumque furti alligat; Philautus Tricongionem,

Tricongio Philautum; suas sibi suffuratum esse vestes queritur.

Eug. Aur. Cass. Ha, ha, he!

Tric. Eugeni, tu me satis nôsti, atque mores meos; egône fur?

Eug. Minimé, minimé; sed pergræcator lepidus.

Aur. Et cantharorum exiccator strenuus.

Tric. Aureli, non fur tamen. *The.* Quin dirimis litem, Eugeni,

Utî pollicitus es? *Eug.* Verbo sic; Heri apud signum Diaboli

Ego & Aurelius in Philautum hunc probè appotum Fortè fortunâ incidimus. *Aur.* Noli erubescere, Philaute:

Humanum est, errare. *Tric.* Ah! verum est istud verbum, Aureli.

Eug. Et haud diu est, quando somno altissimo conlopitum ibi reliquimus: (sodes.

Ha, ha, he! præ risu ægrè effari possum: Aureli, tu perge

1. *Sen.* Quò hoc evadet? *Aur.* Domum redeuntes, Tricongionem

Præ foribus suis haud minùs altè dormientem reperimus.

Eug. Ah! Tricongio, verum istud verbum, *Humanum est, errare.*

Tric. Profectò, Eugeni, ludis me jam. *The.* Porro Aureli.

Aur. Ibi Eugenius Cassionem suum Tricongionem sublinem abripere jubet.

Theo. Quò, Aureli? *Aur.* Eò scilicet ubi stertebat Philautus.

Eug. Quid verbis opus? vestes mutamus atq; loca.

Phil. Quid ego audio? *Tric.* Ah! Eugeni, loquere serio.

Eug. Tricongionem in cœnopolio crapulam ut edormisceret relinquimus,

Philautum ad Tricongionis ædes sistimus, ubi Cotyttia, Maritum autumans suum, caput atque scapulas demulcebat lepidè.

*Rident
omnes.*

Theo. Ludos pol festivos! quid ais, Philaute? Ad istoccine exemplum te excepit Cotyttia? (quam

*Rident
omnes.*

Phil. Cotyttia quæ sit nescio, sed scelestissima n ali-Megaram, quæ me maritum nominabat suum, Me ad lassitudinem usque verberasse plus satis scio, atque etiam nunc sentio.

Theo. Quid tu Tricongio? *Tric.* Ha, ha, he.

Eug. Quid rides, Tricongio?

Tric. Scilicet hunc juxta mecum sentire, mea quid valeat Cotyttia.

Hujusmodi permutationem optarem sæpius, Eugeni.

Eug. Nunquid, pater, non præstiti jam quod pollicitus? *Theo.* Affatim.

Sedata est hæc controversia,

Gratâque erit convivis inter cœnandum historia.

Philaute, tu ad me ibis, ubi patrem, & fratrem tuum Endomuchum invenies,

Unâ cum sponsa Felicia, aliisque. *Phil.* Excusatum me habeas, (sic me

Theophile. *Tric.* Ah! mi lepide bajulator, utinam Bajulares sæpius! *Eug.* Quid renuis, Philaute?

Phil. Egón' coram patre sic vestitus?

Eug. Pish! meum ad cubiculum te ducam, & Tricongionem etiam:

Altera vestium permutatio fiat commodè.

Pater, nōne Tricongionem etiam vocas?

Theo. Oh! quoquo modo. *Tric.* Utinam etiam meam vocares Cotyttiam!

Et

Et litem inter nos componeres! *Theo.* Libentissimè;
sed eâ lege,

Ut tu nos etiam cum spectatoribus in gratiam redigas,
Quorum nos patientiam haud minùs, vereor, læsimus,
Quàm tua Cotyttia tuam. *Tric.* Aliter si fieri nequeat,
Experiar. *Theo.* Eugeni, accersat Calsio tuus Cotyttiam
Quamprimum potest. *Eug.* Propera, Calsio.

Theo. Tandem introeamus ergò; sed eccos fidicines, *Intrat
Titus
cum fidi-
cinibus.*
Eugeni!

Tu etiam eos ad nos; Nolo quicquam, quod oblectet,
desit convivis meis.

Fili mi. *Aur.* Pater charissime, sequor; tu mecum etiam,
Philaute.

Tit. Ubi (malum) esse dicam herum meum? & ne-
ptem ejus Menandram adeò,
Unà cum sponso suo Gorgonio? omnesne ambulant
invisibiles?

Eug. Titte, respice: Quos tu quæris, apud nos sunt.

Tit. Apud vos verò? In malam crucem; quid illi
apud vos?

Me accersitum mittunt fidicines, atque sese foras proxi-
piunt postea.

Quæ hæc est contumelia? *Eug.* Oh! insignis.

Sed quorsum tu ad vos fidicines? nuptiæ apud nos ce-
lebrantur.

Tit. Menandramne inter & Gorgonium?

Eug. Non, non; apage Gorgonium, tu verò me-
cum intrò,

Duc etiam tecum fidicines hos tuos.

Tit. Nunquid verò saltabimus, cantabimus? *Eug.* Imò *Exit Eu-
genius.*
& ridebimus.

Tit. Tricongio, quid tu hîc stas? vin' saltare iterum?
I mecum ad Theophilum; quid cogitas? quid meditare?

Tric. Ah! Titte, meditor Epilogum. *Tit.* Ubi
verò tua Cotyttia?

Tric. Ah! Titte, plus dimidio, quod in animo erat,
isthoc verbo

Excussisti mihi ; mitte me , quæso. *Tit.* Bene vortat quod agis.

Tric. Oh! crepuère fores; aliud ex alio malum; pendeam nunc,

Nisi in ipso articulo prodit *Cotytia*; periit *Epilogus*.

Oh! salvus sum; *Cassio* est. *Cassio*, quid novi ?

Cass. Quid? *Cotytia* tua nondum toto instruitur mundo suo.

Sed mox aderit. *Tric.* Mox ? Quæso te, *Cassio*, I tu præ, ego te sequar è vestigio.

Cass. Propera veró. *Tric.* Nè dubites. Moxne aderit *Cotytia* ?

Quicquid evenerit, *Epilogum* conficiam illico.

Epilogus.

QUin fugitis hinc *Spectatores*, & vos , quantum potest, hinc abripitis?

Væ vobis , si hîc commoremîni , dum apparata hæc transeat mea *Cotytia* :

At mihi væ multipliciter, priùs si fortè me deprehenderit ,

Quàm illam mihi *Theophilus* tranquillaverit.

Proin optimum est, ut vos semel bene valere jubeam ;

Et ut sciamus quid placuerimus , indicium aliquod rogem.

Quoties & quàm validè uxor mea me verberaverit hodie,

Vidistis vos, sensi ego--- Jam vestræ quid valeant manus

Nimis velim experiri: ab illis enim vapulare , munus erit---

Atque auditin' ? qui hoc detrectant, neq; quod egimus, boni consulunt,

Haud gravius illis optem infortunium , quàm *Uxores Cotyttias*.

FINIS.

REPRODUCED FROM THE COPY IN THE

HENRY E. HUNTINGTON LIBRARY

FOR REFERENCE ONLY. NOT FOR REPRODUCTION